



仁和杭大宗世駿輯



台州府臨海縣附郭



大固山 (赤城志) 在府西北按舊經晉隆安末孫恩為寇刺史辛景休于此鑿塹守之思不能犯遂以名山宋紹興間道士費德泓斲地得晉新碑有龍顧山字故又名龍顧山

小固山 (臨海縣志) 在城東南二里與大固山相望高七十丈周四里

巾子山 (赤城志) 在州東南一里連小固山兩峰如帽頂有復塔

龍井 (輿地紀勝) 在巾子山西麓舊傳龍伏于此常有雲氣騰空建浮圖鎮之

臨海縣城外山川

蓋竹山 (赤城志) 在縣南三十里按輿圖志云一名竹葉山中有洞名長耀寶先之天周回八十里洞淵集所謂第十九洞天也雲笈七籤云仙人高邱子治之道藏洞天記及名山記皆云蓋竹山福地觀壇各一所有竹如蓋故以為名明

一統志抱樸子言此山可合神丹漢末有陳仲林輩四人得道于此上有香壚
天門二峰最為游覽之勝

牛極山 (臨海縣志) 在縣西北一十里上有平坡數十畝可遠眺

靖江山 (明一統志) 在縣東七里上有塔俗名白塔山舊傳辛景休破孫恩于此

少兩山 (台州府志) 在縣東九里舊傳築城時較其土稍輕故名

東掖山 (赤城志) 在縣東北四十五里以其居天台左掖故名上舊有隔塵寺

赤山 (輿地紀勝) 在縣東南一百三十里絕頂有古塔：之下有石函盛小銅塔

內有銀壺盛舍利舊傳梁王蕭瑒所施

白鶴山 (嘉靖浙江通志) 在縣東南二十里(太平御覽)昔有白鶴飛入會稽雷門

鼓中擊之聲振洛陽故名(太平寰宇記)山上有深湖中有盤石山前有石鼓(晏

公類要)臨海記云山上有隱泉懸溜遠望如倒挂白鶴名挂鶴泉

白巖山 (台州府志) 在縣西十二里舊名白馬唐天寶六年改今名

真隱山 (太平寰宇記) 在縣西南四十里高一萬六千丈周三百里與仙居韋巷

山接本名括蒼又名天鼻王方平居崑崙往來羅浮括蒼山即此唐天寶中改
今名

許孝山 (臨海縣志) 在縣西北七十里(名勝志)舊傳有許姓者居喪至孝每慟則

羣鳥悲鳴因以名山

龍符山 (臨海縣志) 在縣東一百七十里(赤城志)輿地志云章安縣東五十里海

際有覆釜山臨海記及寰宇記云東海有山形如覆釜吳越春秋云吾得覆釜

書除天下之災而劉世執記云夏帝登此山得龍符之瑞唐天寶六年改今名

山有巨跡相傳夸父逐日所踐云

臨海山 (赤城志) 在縣東北二百四十里接臨本牛頭山以石似故名唐天寶六

年改今名

秀麗山 () 在縣東二百里海中舊名芙蓉臨海記云州東北七十里海中

有芙蓉山僧智顛傳云出海望芙蓉山殊若紅蓮之始聞蓋指此也唐天寶六

年改今名

石塘山 (明一統志) 在府城西三十里上有石峽飛瀑注塘中水底有石柱日朗即見俗呼龍盤石

石龍婦山 (赤城志) 在縣東北七十里東瀕海 (太平寰宇記) 山旁有奇石如婦人狀宋文帝遣画工摸寫山狀時人盛圖于白團扇

宜山 (明一統志) 在府城西六十里其巔平衍良疇可十頃有潭瀑沾溉旱不能災

岐山 (臨海縣志) 在縣東南六十里

石鼓山 (赤城志) 在縣東一百五里臨海記黃石村山上有石似鼓兵與則鳴

玉峴山 (太平寰宇記) 在縣東一百七里舊名黃石山一名黃石畧相傳黃石公居此天寶六年更今名山洩水九層沿崖注落如白練

上足山 (赤城志) 在縣西南一十一里一名戲龍西接真隱山南連永嘉西南連括蒼有石井龍湫巖上有瀑布高十餘丈歲旱必禱焉

海門山 (明一統志) 在縣東南一百二十六里相對如闕在海北岸東枕海

金鰲山 (在縣東南百里章安鎮東有小洞相傳昔人臧舟夜見一物

起波聞光采注射迫視乃一巨鰲金色故以為名

(輟耕錄) 山枕海屬臨海縣章安鎮宋高宗在港邸日秦州

徐神翁賦詩曰壯鰲灘頭一艇橫夕陽西去待潮生與君不負登臨約同上全鰲背上行及南渡建炎庚戌正月三日帝航海次章安鎮落帆福濟寺前候潮見此詩見寺壁間題墨若新方信其為異人也

白山 (輿地紀勝) 在縣東南二百五十里按臨海記云白山望之如雪其上有湖

舊傳金鵝于此集焉

合旗山 (在縣東一百三十里舊傳僧灌頂居攝靜寺會有海寇至頂

誦經自若寇見全旗耀日有神昏丈餘懼而遁因以名山

東刊山 (台州府志) 在縣東七十里東南接黃巖因禹隨山刊木故名

將軍山 一名天柱山 (赤城志) 在東刊山南烈女馮光奴死節處旁有峰蜿蜒如蛇一

名蛇山

天門山 (在縣西六十里高數千仞

望海尖山 (台州府志) 在縣東北四里後嶺上甚高聳宜遠眺土人多以為田麥

特翠浪翻浮最為可愛

青珠山 (輿地紀勝) 在臨海縣

仙石山 (臨海縣志) 在縣東北二十里 (太平寰宇記) 山有石步廊觸石雲起崇朝

必雨即王方平所遊之地

日山 (赤城志) 在縣西五里以其面東朝日視諸峰獨高故名

常風山 (嘉靖浙江通志) 在縣西五十里有石穴風常自中出故名

古塘門山 (臨海縣志) 在縣南二十里兩峰對峙中空十餘丈舊傳海門在焉

新羅山 (赤城志) 在縣西三十里與八疊山相望

燈壇山 (太平寰宇記) 在縣西六十里舊圖經云山有石壇每陰雨有大望之如

燈故名

鴻鶴山 (臨海縣志) 山有二一在縣西七十里一在縣西北六十五里

九盤山 (赤城志) 在縣東南七十五里以其路縈迴九轉故名絕頂可眺大海

亭山 (輿地紀勝) 在縣南一百里其地有寨由郡泛舟入黃巖者候潮于此

翠環山 (台州府志) 在縣東南一百三十里峰巒回合有若環翠故名

高相山 (赤城志) 在縣東北一百三十五里一穴無際按會稽圖經云與海通

高鹿頭山 (一) 在縣東南二百八十里海中自此山中分路入高鹿園其峰

突立宛如人首故名

清潭山 (台州府志) 在縣西二十五里夷堅志舊有陂廣十餘里淳熙間大水推

一山紉陂中山之大小正與陂等林木宛然

芳溪山 (臨海縣志) 在縣西三十五里深宵可百里通仙居黃巖有水源深遠溉

田甚多

葛溪山 (台州府志) 在縣西三十五里俗稱葛仙翁煉丹處有石如藥碾狀有禮

斗壇：上有淑頤深宵霧雨晝冥有龍宅焉

三山 (一) 在縣東七十里有三巖嶽吳賀氏世居此唐賀瑄與二姊狗父

赴水沒頭重建廟于此

岷門山 (太平御覽) 在縣東一百五十里山腹有孔上達于頂其中有聲即大風

水涌主兵吳將平孔內有聲達達十里

大雅山 (臨海縣志) 在縣東二百一十一里

頭扣山 (台州府志) 在縣東北二百一十一里西有嶼

鸞鼻山 (舊浙江通志) 在縣東一百五十里狀如鸞鼻吸水

石佛山 () 在縣東南一百七十里以狀名

岐峽山 在縣東南一百八十里 蒼郭山 在縣東北二百一十一里其西有蒼郭村 小門山 大門山 在縣東南壽昌

山 在縣東一百七十里 蕭門山 在縣東南一百七十里 東麓山 在縣東一百一十里 西麓山 在縣東一百一十里 主山

在縣東南一百七十里 麂頭山 在縣東南一百八十里 虎頭山 在縣東北二百六里 澤青山 在縣南二里 檉澳山

在縣東北二里 柏達山 在縣東北二里 嶼山 在縣東北二里 澤山 在縣東北二里 (舊浙

江通志) 以上俱海中山

雲峰 (台州府志) 在縣西南十九里峰極高聳外望諸山宛若聚米鄉邑江湖舉

在日前

玉峰 (臨海縣志) 在縣西北七十里俗名白石尖又名大石鄉勢凌霄漢

聖巖 (台州府志) 在縣南二十里錢柱山號險絕舊傳有神躍馬于此故名至今

有馬蹄痕又名馬蹄巖

桐巖 () 在縣東五十里接寧海縣界

仙巖 (臨海縣志) 在縣東一百二十里高廣數百仞中有石竅廣四畝名百花洞

黃礁巖 (台州府志) 在縣東一百七里南臨江東西北俱平川穴出一巖方圓四

十餘丈高十丈餘無土樹歷年不凋

新羅嶼 (臨海縣志) 在縣東南三十里昔有新羅賈人臧舟于此

竹嶼 (台州府志) 在縣東一百四十六里海中

馬嶼 () 在縣東一百七十里

新嶺 (臨海縣志) 在縣南三十五里自大左嶼至嶺脊分臨海黃巖界

蔡嶺 (台州府志) 在縣東八里

飛霞石 (輿地紀勝) 在蓋竹山舊傳仙人上昇于此石累三層狀如盤其上手

轉之不墜

常風洞 (赤城志) 在縣西四十里中極幽邃舊有石開護之宣和中常駐兵于此

招賢洞 () 在縣西六十里以寺名宣和寇難以其地險遂將據守

臨海江 一名雙江 (元和郡縣志) 二水合成一是姑豐溪一是樂安溪至州城西北十

三里合 (台州府志) 縣東二十里受諸溪之水諸山抱之不能東與海接故西南

流經視橋閣石新橋諸村過少兩山與重江合黃郡治東襟界水也

重江 (台州府志) 在府城外西北自三江匯流抱城而東舊志稱中有一泓名陳

婆坳泓水極清巨潮澎湃不為動舊以此水釀酒宋嘉定中台州有重江風月

之名延慶院記曰濟重江而西唐任翻詩曰重江三上中峰寺是江之得名久

矣

三江 (嘉靖浙江通志) 在縣西十里其源有二一自天台閩嶺一自仙居永安二

溪至此合為重江故曰三江潮汐至此而止故其流溪清而江濁

椒江 (台州府志) 在縣東南一百二十里合重江永安江同流出海實受臨黃天

仙四邑之水江向寬二十餘里南則海門衛北則前所兩城對峙為台區要隘

皆明初湯和建築

東湖 (赤城志) 在崇和門外三十步初為船塢水軍營熙寧四年錢守矜始開為

湖凡一萬六千步

虎溪 (臨海縣志) 在縣東六十五里源出東掖山南五里合流中沙溪舊傳宋猷

穆公主有目昔僧法駛洗以咒水而愈奏置十八賢座倣廬山遠公故以為名

其泉曰大悲泉

芳溪 (台州府志) 在縣西三十里流出括蒼山 詳見水利

百步溪 (明一統志) 在縣西北六十里前後二灘石險湍激俗名大小惡溪唐孟

浩然詩欲尋華頂去不憚惡溪名是也 (台州府志) 宋乾道中邑令陳居安修治

水稍平明弘治二年郡守馬岱疏鑿別道七百餘丈害未盡去後邑人蔡潮募

工重修舟始無患因易其名為大善灘 互見水利

玉泉 (臨海縣志) 在縣東北白雲山下以水色而名

康濟泉 (嘉靖浙江通志) 在縣東南二十五里重康廟後宋乾道三年令顏度禱

兩于廟見塔前水津：逆溢遂穴地得泉

丹井泉 (臨海縣志)在天慶觀昊天殿後舊傳茅盈鍊丹于此

仁泉 (台州府志)在縣東北三十里弘光寺後大旱不涸灌田千餘畝俗名旋塘

楓山泉 (臨海縣志)在海門白楓山頂廣盈四尺深丈有咫寒冽甘潔湛碧浮蓋

在山巔而不涸近海畔而不鹹

海 (台州府志)在縣東一百八十里潮汐自海門直至縣西三江與天台仙居二

水相接采洪邁志東海中有尾閭與海門馬筋相值自高山望之其水滿急陷

為大渦十餘舟楫不可近舊傳東海洩水處南由黃巖太平達温州北由寧海

達寧波

黃巖縣

永寧山 (赤城志)在縣東五里因古縣名巖壁峻峙四望皆方正故一名方山

大仁山 (在縣東十五里山巔有二池大旱不涸上有大仁寺)

委羽山 (嘉靖浙江通志)在縣南十里俗名俱依山 (赤城志)山東北有洞世傳仙

人劉奉林于此控鶴輕舉常墮翮焉故名按真誥云委羽山天下第二洞天踞大有空明之天

屏山 (輿地紀勝)在縣南八十里東西二石聳立如屏有古藤纏絡之冬寒不凋

西屏因風雨仆為二矣

石磴山 (洞天福地記)第三福地在台州黃巖縣

唐門山 (黃巖縣志)在縣北五里中有將軍巖甚鉅

松巖山 (輿地紀勝)在縣西十五里沿崖而上石梯數百級勁直如削或云玉仙

姑輕舉之地

東山 (台州府志)在縣東二十五里

西山 (在縣東二十五里東山對峙故名)

石壁山 (明一統志)在縣南八十里上有石壁挿水中宋虞仲房刻詩于石云野

山開花洞口春碧潭如鑑淨無塵江山好景摸不得漾入酒尊和月吞

東鎮山 (赤城志)在縣東二百四十里中有四嶼極險峻山上望海中突出一石

舟之往高鹿者必視以為準焉

三童山 (黃巖縣志) 在縣西南一十七里山有三峰各高十餘丈遠望似童子香

積寺記云昔有三童子出沒其側然之皆化為石故名

三會山 (赤城志) 在縣西六十里初至下會則兩山夾一水而入其勝處踞雲莊

風磴次至中會二里許兩石躡踞石門又四里即上會有洞空濶尤勝

松石山 () 在縣西南一十七里又有一石橫前如櫃踞石櫃山

靈巖山 (名勝志) 在縣北一十里又名鷲峰後有飛瀑垂崖而下瀦為潭深不可

測

翠屏山 (台州府志) 在靈巖之右山如屏障俗呼翠屏

黃巖山 (明一統志) 在縣西一百二十里一名仙石山俗傳仙人王方平居此

鷄籠山 (嘉靖浙江通志) 在縣南二十五里值晦冥之夜輒有光焰天日晴霽則

滿山若金玉然

大原山 一名尖峯 (台州府志) 在縣南一十五里其山逆水上走又名金字巖

下洋山 (黃巖縣志) 在縣南一十八里相傳地震惟此山不動

徐山 (台州府志) 即彭城山縣南三十五里

龍鳴山 (嘉靖浙江通志) 在縣南一百二十里上有龍湫舊傳龍鳴其上

柏嘉山 (台州府志) 在縣西三十五里每早禱山鳴即雨又名鳴山

大田山 (黃巖縣志) 在縣西三十五里上有蓮花峰下有龜嶼

華巖山 (台州府志) 在縣西四十五里

篤孝山 (黃巖縣志) 在縣西三十五里宋南渡後有鮑雍者自饒徙居山下孝養

其親故名

馬家山 (台州府志) 在縣西四十里

靈石山 (赤城志) 在縣西五十里以甘露降名甘露山臨海記云山上有奇石當

孫恩叛毀木為船石從空自墮賊以傷去故名為靈石

夏鳥山 (台州府志) 在縣西六十里

平田山 (黃巖縣志) 在縣西六十里山極崇峻至巔有地平行故名

浮山 (輿地紀勝) 在縣西七十里特起田間四無朕屬俗傳一夕風雨浮至故名
青龍山 (台州府志) 在縣西七十里其形蜿蜒如龍故名

磨山 () 在縣西南三百里永寧江源出此

瑞巖山 (名勝志) 在縣西北四十五里山石皆紫

李家山 (黃巖縣志) 在縣西北一百五十里

六潭山 (台州府志) 在縣北一十五里朱文公常著書于此名為小樊川題曰溪

山第一

觀音巖 () 在縣極東瞰大海有穴可坐數十人其中常有光明

幞頭巖 (黃巖縣志) 在縣西四十五里狀如幞頭夜晦冥或有火如炬

西巖 (台州府志) 在縣西七十里全溪中有竅以晴鳴則雨以雨鳴則晴

五部嶺 (黃巖縣志) 在縣西一百一十里東連五部村西連樂清西北連永嘉東

北連蒼山東南連桐嶺故名五部

義城嶺 () 在縣西五十里按臨海縣舊志云其南二十五里即茅畬鋪

大唐嶺 (台州府志) 在縣南三十五里接太平界

佛嶺 () 在縣西南三十五里與樂清分界

山客嶺 () 在縣西六十里入樂清界

新嶺 () 在縣西北四十里最高峻北抵臨海界

大有空明洞 (名勝志) 在委羽山昔有道士秉炬入洞中行數日間櫓聲返(輟耕

錄)委羽山特立不倚形如落鳳故得名中藏洞穴所謂空明洞天也

永寧江 (赤城志) 源出縣西北三百四十里有大小二源大源出磨山小源出黃

巖山從縣北入于海

青湖 (台州府志) 去縣三十里俗傳晉時孫恩常解金甲于其中湖底有一竅深

不可測土人謂與耀珠潭相通

黃巖溪 (黃巖縣志) 在縣西一百里源出黃巖山派為諸川凡五十餘

九溪 (台州府志) 在縣西三十五里柏嘉山下諸溪凡九西角二大溪合流以達

永寧江

日溪 (嘉靖浙江通志) 在縣西六十里 (黃巖縣志) 西北有小谷曰金玉灣

軍營溪 (台州府志) 在縣西三十里源出佛嶺宣和中官軍禦寇結營于此故名

錦溪 (一) 在縣西七十里兩岸多桃李花時望之如錦故名每大旱水忽

自漲次日必雨

白龍潭 (赤城志) 在縣東一十里方巖其穴有三大僅如窺常有雲氣罩之居人

見龍出入色白故以名潭

赤類潭 (黃巖縣志) 在縣西五十里亂山中龍出入必大風雨故近山無居人旁

有大木皆無膚葉父老言有龍黑身赤類遂名潭

柵眉潭 (赤城志) 在縣西九十里柵^都洞南怪石壁立過者悚懼年豐則有雲氣

覆其上雖炎日不散歟歲則否

藏雪潭 (一) 在縣西北一十里即鳴山之鳴川潭舊傳五六月間積雪不消

遂改今名

天台縣

天台山 (天台山志) 在縣北三里按舊圖經載陶隱居真誥云高一萬八千丈周

回八百里山有八重四面如一當斗牛之分上應台宿故曰天台又十道志謂

之頂對三辰登真隱訣謂大小台處五縣中央 五縣謂餘姚句章臨海天台或

孫靈越孫興公賦所謂蔭斗宿以曜峰托靈越以正基是也 或謂天台山據越

前非以靈越 今言天台者蓋山之都孫如桐柏赤城瀑布佛壠香爐華頂東蒼

皆山之別名大概以赤城為南門石城為西門據神書所記如此而徐靈府小

錄又以剡縣金庾觀為北門蓋指山之所至言托朴子內篇云諸山不可煉金

丹以其皆有水石之精惟太華少室緡雲羅浮及大小台正神居之助人為福

可以修煉又山識云曲豆女台可以避災然則地為靈仙所宅尚矣 (明一統志)

山去天不遠路由福溪水險而清前有石橋廣不盈尺長數十丈下臨絕澗惟

忘其身然後能濟一者梯巖壁接藤葛始得平路見天台山蔚然奇秀復列于

青霄上有瓊樓玉閣天堂碧林醴泉仙物畢具也

赤城山 (赤城志) 在縣北六里一名燒山又名消山石皆霞色望之如雉堞因以

為名孫綽賦所謂赤城霞起以建標是也絕頂有浮屠七級梁岳陽王妃所建
支遁天台山銘序云往天台山當由赤城為道而神豈山圖以此為台山南
門云天台縣志山之麓有巖極深廣晉義熙初僧曇猷造寺踰中巖齊僧惠明
復就塑一佛名卧佛又有巖二曰結習曰釋籤蓋灌頂湛然遺跡也西有玉京
洞北有金錢池上有佛人井飛流噴沫冬夏不竭神僧傳赤城山有孤巖獨立
秀出于雲釋道猷搏石作梯升巖宴坐接竹傳水以供常用王羲之聞而故往
仰峰高挹致敬而返

桐栢山 (天台方外志) 在縣西北二十里七十二福地之一唐司馬子微隱此
舊圖經云周靈王太子主金庚治桐栢山即此也太平寰宇記登真隱訣云金
庚不死之鄉方四十里

瓊臺雙闕兩山 (天台方外志) 自崇道觀西北行二里至元應真人祠由真人
祠取道仙人跡經龍潭側凡五里至瓊臺轉南三里至雙闕皆翠壁萬仞森倚
相向孫綽賦所謂雙闕雲珠以夾道瓊臺中天而危居是也

寒巖山 (方輿勝覽) 在縣西北七十里亦名寒石其山幽邃當暑有雪(天台縣志)
因寒山子得名前有磐石曰宴坐峰上有石室舊名拊石洞後朱芾題曰潛真
四山環峙如郭郭上矗雲漢其下嵌空置佛屋不用瓦覆由宴坐西有石梁可
數尺架兩崖間險峻不可陟南有泉如屋雷寺僧摩竹綆引之前距山腹一里
有道人洞轉西二里亂石瀉流巖竇間散若玳髯因踰龍鬚洞台山絕勝處也
臨海記云石室前有立石參差五色遠望如綬帶舊傳為綬帶山

明巖山 (天台縣志) 在縣西七十里舊名暗巖之前峭壁屹立勢摩穹蒼其踰
幽石其下竅穴透達日光穿漏中有僧全宰棲真洞轉北數步怪石森然上有
兩峰例例踰合掌巖西有泉蔽巖而下渙若垂箔寺僧以竹綆引之從高下
墜踰曰水索由寺北捫蘿而下至重巖磐石品列即三隱嘯咏之地常有光如
月踰石月寺東有響巖擊之聲鏗然寒山子詩所謂重巖我下居鳥道絕人跡
是也

方瀛山 (赤城志) 在縣西北二十八里唐長慶中徐靈府居此寶曆元年賜今名

東橫山 (名勝志) 在縣東十里俗名覆船山本天台山足其山坦夷中有三溪冬
溫夏冽

鳳皇山 (台州府志) 在縣東十一里

折山 (天台縣志) 在縣西十六里神邕山圖云峭崿險折而中峰拔立孤秀舊傳
王喬控鶴于此又名鶴峰

蒼山 (赤城志) 在縣東四十里按神邕山圖云其山凌映桐柏絕頂睇滄海

司馬悔山 (雲笈七籤) 在天台北係第十六福地李明仙人所治之處(天台山方
外志)舊傳司馬承禎隱天台山被召至此而悔因以為名

大盆山 (名勝志) 在縣西一百八十里西接東陽南界仙居遙望如覆盆即婺江
之源也

始豐山 (台州府志) 在縣西南十五里舊以狀類盤龍名龍山唐天寶中更今名

聖墟山 (天台山方外志) 在縣北三十里白雲先生隱處圖經云七十二福地之
一

瀑布山 (在縣西四十里(嘉靖浙江通志)一名紫凝山有瀑布陸

羽品為天下第十七水與福聖國清二瀑為三云(名勝志)神異記云餘姚人虞

洪入山采茗遇一道士牽三青羊引至瀑布下曰吾丹邱子也聞子善具飲常

思見惠山中有大茗可以相給

寶華山 (天台山方外志) 在縣東三十里產花蕊石

八峰山 (天台縣志) 在縣西北六十里中有萬年寺所謂八峰明月婆羅香爐大

舍銅魚藏象烟霞應澤是也

覆盆山 (天台山方外志) 在縣西四十里形家以為台即臨海山川之美皆是此

胚胎逸衍發秀

千佛山 (始豐類稿) 在天台西五十里層巒疊嶂森鬱秀拔與赤城玉霄華頂諸

峰角勝

鷓鴣山 (宋漁天台廣濟橋記) 天台縣西二十里有山曰鷓鴣二水發源其間合

流至長洋復折而西與大溪匯龍湫志要常有鷓鴣鳴故名

銀山 (天台方外志) 在縣南十里宋元祐間因礦發故名 (天台縣志) 明萬曆間
三次開採無銀遂廢

方山 (天台方外志) 在縣西六十里高峻千餘丈周十五里自足至頂皆方故
名

妙山 (台州府志) 在縣東二百步延袤一里邑之鎮山也

華頂峰 (赤城志) 在縣東北六十里蓋天台第八重最高處高一萬丈少晴多晦
夏有積雪絕頂有望海夫瀟漫無際下瞰衆山如龍虎踞踞旗鼓布列之狀草
木薰郁殆非人世僧知顏與司馬子微常晏坐修真焉

五峰 (一) 在縣北一十里國清寺側其峰有五曰八桂曰重禽曰祥雲曰靈
芝曰映霞前有雙澗合流南注大溪

九峰 (嘉靖浙江通志) 在縣西北三十里周圍九峰曰紫霄曰翠微曰玉泉曰卧
龍曰蓮花曰華琳曰玉女曰玉霄曰華頂矗立霄漢遠近相向王羲之與支道
林常往來此山 (赤城志) 舊名九壘唐天寶六年改今名

九折峯 (赤城志) 在縣東北三十里孫綽賦所謂既克濟于九折路威夷而修通
是也

百丈巖 (一) 在縣西北二十五里崇道觀西北與瓊臺相望

翠屏巖 (一) 在縣東二十五里孫綽賦所謂搏壁立之翠屏者是也 (龍湫志
要) 山形壁立如屏故名

靈巖 (天台縣志) 在縣西五十里巖洞唐迥有石如幕與浙嶠山相連中有小嶼
號曰文嶼左右魚石盤列映帶

八桂嶺 (天台方外志) 在縣北五十里地理記天台山有八桂巖孫綽賦所謂
八桂森挺以凌霜是也

杜潭嶺 (天台縣志) 在縣南二十五里與臨海分界

閔嶺 (天台方外志) 在縣西北四十里與新昌分界

斤林嶺 (台州府志) 在縣東四十五里與臨海分界

顧儒嶺 (赤城志) 在縣東南一十五里按輿地志舊名東岫有齊顧歡讀書堂後

人因以為名今嶺旁有歛溪歛嶼且有碩姓居之或其苗裔也

招隱嶺 (天台方外志) 在縣東北五十里昔碩歛招同郡人杜京產隱此

峯嶺 (赤城志) 在縣西二十里與金地嶺接溪高峯所隱之處

金地嶺 () 在縣西二十里

玉京洞 () 在縣北七里赤城山石蓋第六洞天茅司命所治或歸太上玉

清天或歸玉真清平天會稽記云許邁常居之

丹霞洞 (明一統志) 在縣北一十五里舊傳葛元煉丹處傍有仙人拍手巖飛瀑

數百尺下為重溪

桃源洞 (名勝志) 在縣西北二十里一名劉阮洞續齊諧記漢永平中有劉晨阮

肇入山採藥迷道得桃實食之覺身輕行數里至溪許有二女方笄笑迎以歸

留半載謝去至家子孫已七世矣

石橋 (方輿勝覽) 在縣北五十里即五百應真之境相傳為方廣寺有石梁架兩

崖間龍形龜背廣不盈咫其上雙澗合流洩為瀑布西流出剡中梁既峭危且

多莓苔甚滑下臨絕澗過者目眩心悸

新橋石 (台州府志) 在縣北七十里自石橋沿澗行可十五里至此一石中斷因

以為名下臨危澗亂石碁布雖邑人亦罕至云

始豐湖 (明一統志) 在縣南因晉縣為名

玉湖 (台州府志) 在縣西十里廣百步長五里許俗呼馬湖 詳見水利

青溪 (赤城志) 在縣西五里源出天台山南流入大溪按謝靈運登臨海嶠詩云

旦發青溪陰俗呼為清者誤

靈溪 (嘉靖浙江通志) 在縣西北一十五里孫綽賦所謂過靈溪而一躍是也

大溪 (台州府志) 在縣西南五十步源出婺州東陽縣受始豐天台桐柏之水順

流而下凡八十七里至二江

楸溪 (名勝志) 在縣東三十里一名油溪 (赤城志) 孫綽賦所謂濟楸溪而直進是

也

乾溪 (赤城志) 在縣南二十五里舊傳僧曇猷訪赤城有一媪與之語神思投媪

于淵猷飛錫救之其溪立淵故名

百丈潭 (在瓊臺復閣間翠蔓蒙絡水聲深然盤澗遠麓出為重溪

丹霞潭 (台州府志) 在縣西北二十里柳泓煉丹處

柘溪潭 (明一統志) 在縣西北三十里水極泓深前橫石檻又有石室可容百人

惠澤潭 (天台縣志) 舊名惠濟在石梁之下其龍甚靈宋嘉泰元年大旱致禱甘

雨均洽令工其事賜龍君額曰惠澤(輿地紀勝)嘉泰四年夏雷雨湧出金銀藏

錢圓徑六寸餘文曰太平通寶太宗朝賜以鎮潭

卓錫泉 (台州府志) 在智者巖知者注涅槃經處

龍鬚泉 (明一統志) 在縣西寒巖洞口噴薄如龍鬚因名

應心泉 (天台志要) 在萬年寺西宋恭政賀允中宅于此泉自湧出允中自為記

墨池 (台州府志) 華頂峰有王羲之墨池在李白書堂側

仙居縣

括蒼山 (在縣東南四十里高一萬六千丈登之見東海又名天莫峴

巖四絕俯瞰諸山綿亘三百餘里殆台巒溫處四郡之岳云 互見處州府縉雲縣

福應山 (明一統志) 在縣東二里宋皇祐間縣令陳襄名之(赤城志)陰陽家謂其

居邑龍首得地之勝居人建浮屠其上自是取青紫不乏

漁潭山 (仙居縣志) 在縣東南五里下瞰深潭每二三月桃花盛開巨魚如織

安洲山 (台州府志) 在縣東南五里舊名九旬山宋羅遠作唐僧灌頂記云師止

安洲以波瀾四絕乃誓曰使地坦夷當就講焉未決旬而沙涌地平宋文公嘉

題為第一山

紫箬山 (名勝志) 在縣北三十里舊名竹山唐天寶中更今名

東山 (仙居縣志) 一在縣西北六十里一在縣西南三十五里一在橫溪之北縣

西七十里

孟溪山 (台州府志) 在縣西北十里宋宣和寇起民保聚其間寇至見雲霧杳冥

草木間旗幟隱隱懼不敢犯民賴以全

綠仞山 (名勝志) 在縣北二里其下有溪

青圭山 (台州府志) 在縣北十餘里一名青尖即紫箬山之趾上有峰如圭嶺然

特秀左右二小峰若輔弼然雄據縣治後東北界天台西北連東陽

陽澹山 (仙居縣志) 在縣南四十里一名陽峰上多沃田登之萬山皆伏

桐林山 (赤城志) 在縣西南五十里

張阜山 (嘉靖浙江通志) 東瞰縣治南環以溪北有泉及拓溪諸處泉谷深秀舊

傳逸民張阜居焉

翠屏山 (仙居縣志) 在縣西南四十里

小簾山 (明一統志) 在縣西南四十里有瀑若簾垂四時不竭

韋羗山 (台州府志) 在縣西南四十里險峻難升上有石室戶牖至春深霧重樵

者隱：聞鼓聲蓋神仙所宅也(赤城志)按臨海記云上有石壁刊字如科斗晉

義熙間周廷尉為郡造飛梯以蠟模之莫識其義俗傳夏帝踐_歷刻故此石

峽山 (赤城志) 在縣東南一十五里眾峰拱揖列岫迂迴致倅川峽故名

萬竹山 (在縣西南四十五里絕頂曰新羅九峰回環道極險隘嶺上叢

薄敷秀平曠幽窈自成一村

石龕山 (在縣東一十五里上有石室深三丈廣踰一丈俗傳神靈栖焉

瓏嵒山 (名勝志) 在縣西南十五里山多玲瓏巨石

枕海山 (仙居縣志) 在縣西北五十五里俗傳其趾與海通潭水潮汐相應

玉几山 (在縣西南五十里金山下俗呼為船巖山

金山 (台州府志) 在縣西南五十里舊十三都境俗傳謂之鵝鷄山

靈山 (名勝志) 在縣西二十里禽鳥不敢棲

白冠山 (台州府志) 在縣西六十里舊傳曾有仙人戴白冠往來其上又曰白鶴_鶴

山以是山常產鶴也林谷深邃背接東陽縉雲界

凌雲山 (在縣西八十五里石屏山在其下傍有一巒形似將軍名隱

將巖

披雲山 (仙居縣志) 在縣西南五十五里遠望烟雲縹緲紛披如畫

小桐山 (在縣東南三十里烈女湖在其麓

王姥山 (名勝志) 在仙居縣界亦名天姥山相傳古仙人所居

晒馬坪山 (台州府志) 在縣東北五十里其頂坦平廣可數頃中有古湫蔭溉甚遠

三井山 (赤城志) 在縣北三十里以有三龍湫故名

鏡底山 (台州府志) 在縣西南六十里與盛旄山連

紫岷山 (仙居縣志) 在縣東北八十里由盧坑山進接天台界

道緒山 (台州府志) 在縣西南一百里山南即永嘉界通張溪

嵩山 () 在縣西九十五里一名陽岸嶺孤峰高聳壁立千仞與蒼嶺接

白馬山 (仙居縣志) 在縣西南一百一十里西接縉雲相傳句踐避兵過之失白

馬于此

浮石山 (嘉靖浙江通志) 在縣南三里下有巨石屹立溪中視之若浮

楓田山 (赤城志) 在縣南八十里

南峰 (仙居縣志) 在縣南三里其巔四面軒舒山水環擁為邑人遊覽之最

白巖山 (仙居縣志) 在縣南十五里

景星巖 (台州府志) 在縣西南五十五里幽邃迂折繞二十四盤而上

方巖 () 在縣東南四十五里朱溪上王境

麻姑巖 (赤城志) 在縣西南二十五里麻姑訪王方平于此故名巖上有洞兩石

桐峙有麻姑像存焉

蒼嶺 (嘉靖浙江通志) 在縣西北九十里高五千丈周回八十里界于縉雲重岡

複徑隨勢高下險峭峻絕為東浙最 (仙居縣志) 與括蒼山通故名一名風門

界嶺 (仙居縣志) 在縣東三十七里與臨海白水洋鋪分界

游鳩嶺 (台州府志) 在縣東南五十里蒼山之趾通臨海石塘界

王坎嶺 (仙居縣志) 在縣西南一百六十里與金處二郡接壤之地

桃花洞 (台州府志) 在縣南三里南峰山側大溪環其足每當二三月桃花盛開

爛熳若錦

括蒼洞 (赤城志) 在縣東南三十里括蒼山之間按塵外記括蒼成德隱元之天

蓋第十洞天列仙所居在台之樂安即仙居舊邑也又寶藏名山記云括蒼洞
周四三百里徐真人所治此洞與處之玉虛宮通自括蒼嶺而言東則屬台西
則屬處(明一統志)宋光宗在東宮時書瓊章寶藏四字鎮之

相湖 (台州府志)在縣東二十里昔于湖中得石刻有相湖二字

烈女湖 (仙居縣志)在縣東南二十七里嘉靖間因碩烈女于此捐軀全節故名

大溪 (一)在縣西南八十里源發永嘉界坑山北流百餘里至四都始開

廣遠即之三江

永安溪 (赤城志)在縣西二百一十里

擇溪 (一)在縣西二十里源出處發溫三州流同參流入大溪孟大武詩云

樵斧斫雲春谷暗漁榔敲月夜溪寒入甚稱之

曹溪 (一)在縣西九十里源出括蒼嶺南流四十里入大溪嶺上有潭曰曹

潭淳熙十四年令蘇先庚禱雨忽有物蜿蜒而出一黑一黃以磬承之躍而入

遂迎止于潭下朔日大雨遂築室以祠

龍幻潭 (台州府志)在縣東北四十里昔有兩龍幻為人詣僧曰我二人乃龍也

僧求其現形云以翌午為期戒勿鳴鐘至次午果見兩龍盤旋廊柱頭角崢嶸

僧懼撞鐘寺遂漂沒水退見潭其深莫測

瑤前瀑 (赤城志)在縣西五十里玉几山緣壁而下或雨初霽則飛流濺沫廣至

十餘丈蓋奇觀也

月落池 (仙居縣志)在縣南七里前山宋時郭氏夢月落于池而女生後為宋理

宗后即謝深甫之孫女也

九井 (明一統志)在縣東南二十五里一名蔡經井每汲其一八皆波動今僅存

其五

七井 (仙居縣志)宋朱文公所鑿一在鼓樓前一在學宮右一在縣東巷一在縣

南前巷一在官倉巷一在市橋巷一在天井巷

金華府 金華縣 附郭

上山 (萬曆金華府志)在縣西北隅太守蘇遵謝政居此今為縣治所倚又縣東

東南一里為芝麻山一名油麻山

望仙嶺 (金華縣志) 在旌孝門內登嶺可望赤松山

七寶渠 (金華府志) 自城北麓八郎塘發源南行穿城入由七寶寺側迤邐出祠

堂巷經四牌坊永濟倉前至八咏門外從河流入復溪

清渠 (萬曆金華府志) 發源隕星塚溪景行坊轉入東市街至赤松門外流入大

溪

西市渠 (金華府志) 汶景蘇坊合流會縣前轉入無相寺巷內穿城西入于濠

金華縣 城外

城山 聚寶山 (嘉靖金華縣志) 俱在縣東三里城山宋王楚所居楚記云予家

自城面山在井邑如郊數西偏隙地由園扉而入名曰城山又曰東溪一曲宛

轉來朝溪上諸峰秀潤如玉平蕪遠樹荒碕斷岸一望無際聚寶山一名高山

宋學士商日新居此

龍鱗山 (金華府志) 在縣東八里一名興教山石錯落如龍鱗

至道山 (嘉靖浙江通志) 在縣東三十里一名覆釜又名積道連屏擁翠石磴紫

紆絕頂平坦如掌折而南曰焦巖石壁平峭高可百丈長一里環障溪流人望

之如赤壁云

東山 (金華縣志) 在縣東五十五里自東陽之大盆山迤邐而來周三百里其東

隸東陽南即武義之八素山其高嶽曰齊雲岡

葛公山 (一) 在縣東七十五里一名葛仙峰五峰卓立霄漢托朴子煉丹

處

風門山 (宋漁風門洞碑) 在縣東南五十里有山曰風門山有石洞莫測所底風

蓬萊從中出襲人毛髮

屏山 (名勝志) 在縣南五里一名琴望山又名赤山

沐塵山 (嘉靖金華縣志) 在縣南二十五里

石門山 (一) 在縣南二十五里有石對峙如門黃文獻公集云登城

南有山曰石門水乘高而下者三級人稱之曰龍山即謂此也

銅山 (太平寰宇記)在縣南三十里東陽記云山下有泉水色鮮白踞曰銅泉

玉筍山 (萬曆金華府志)在縣南三十里山有石人峰高三百丈

南山 (金華府志)在縣南三十五里分脉自括蒼山北來凝結于此高幾倍北山

鄒 周四百餘里其南為遂昌松陽宣平其東為永康武義其西為龍游其北為縣

鄒

白原山 (嘉靖浙江通志)在縣南四十五里高千餘仞列二百餘峰

馬鞍山 (舊浙江通志)在縣南一百里

果愚山 (金華府志)在縣西南二十五里形如果愚王魯齋柏諱學其中

望山 (金華縣志)在縣西南二十五里宋樞密倪普退隱于此每登之以望臨安

故名

芙蓉山 (名勝志)在縣北十五里(金華縣志)一名潛岳又名尖峰山方輿記云孤

山秀特狀若芙蓉故名

智者山 (舊浙江通志)在縣北十五里

赤松山 (萬曆金華府志)在縣北十五里一名卧羊山即黃初平作皇叱石成羊

處其山柱白石錯落如羣羊散牧初平踞赤松子故山以是名

梁山 (金華府志)從赤松山進約十里

煉丹山 (舊浙江通志)在縣北十八里(赤松山志)高數千尋一望數百里近在日

曉蓋二皇君煉丹之所

金華山 (萬曆金華府志)在府城北二十里一名長山自天台赤城發脉至東陽

之大盆山迤邐至此橫亘金華蘭谿義烏浦江之境周三百六十里山巔復巒

對轟曰玉壺曰金盆壺中有湖名徐公湖水分兩派而下其瀉乎山之陽者由

山橋而達于溪其注乎山之陰者由鹿田而入于洞山前兩崖對峙高數百仞

通脉至芙蓉峰郡治之主山也 (世說新語)林公見東陽長山曰何其坦迤注引

也 (赤松山志)周回数十里即赤松山是也抱朴子云此地可以居神免五嶽洪

水之志 (廣博物志)金華山北有仙洞俗呼為劉先生隱身處其內有三十六室

頭之際極諫被貶于東取隱迹于此 莫知所終即道士蕭至元所記也

鹿田山 (萬曆金華府志) 在縣北二十五里上有沃野可耕此山多生奇石 (金華雜識) 劉宗時有玉女馴鹿耕山中常入城市貿易以物置甬間刻期而歸遂名其地為鹿田

太陽嶺 (名勝志) 在縣東北五十里俗傳嶺與太陽齊高故名踰嶺即浦江縣界黃姑嶺 (萬曆金華府志) 在縣東北五十里宋宣和中方臘寇娶逆項德于此

紫薇嶺 (方輿勝覽) 在縣西北二十五里有石室梁剡孝標棄官舍其下撰類苑石碕巖 (嘉靖金華縣志) 在縣東三里又名石碕頭下瞰大溪高十餘丈巖下有

洞相傳嘗見梅花泛出故名梅花溪又名梅花洞即城一帶東偏跨其上

折竹巖 (金華府志) 在縣北二十里金華山之陽太平寰宇記云赤松羽化處

金華洞 (萬曆金華府志) 在縣北三十里周五百里道家所稱三十六洞金華洞元之天其洞有三魏然在上去天若尺五者曰朝真洞然在中者泉若擊鼓擊之聲者曰冰壺豁然在下者石若白龍之升降者曰雙龍 (赤松山志) 與赤松山相接分上中下三洞上曰朝真中曰冰壺下曰雙龍上洞有石真人儼然臨跨

莫測端倪中洞有水簾直下寒玉橫飛其間有石像石笋等下洞有石龍虎獅象麟鳳鐘鼓之類難可枚數下洞門極低非舟不可入非燭不可見此洞天原係赤松所轄

石室洞 (赤松山志) 在螺螄巖之側即赤松子引小皇君入山修道之所

九龍洞 (萬曆金華府志) 在紫薇巖東洞口偃倭可入中昏黑持炬前進深莫可測去洞數百步有泉涌出與百盤溪合

優游洞 (赤松山志) 去赤松巖十里洞門高五尺許自左升梯而入虛曠如大廈數十間又出于三十六洞天之外壺天真人所治之區 (萬曆金華府志) 一名上霄洞縣東北三十里金華山之南

徐公湖 (太平寰宇記) 郡國志云在長山上周圍四百八十六步昔山下居人徐公登山至湖逢見二人共博自稱赤松子安期先生酌湖中水為酒飲徐公醉及醒不見二人而宿莽攢聚其上徐公乃追悔後因名焉

赤松澗 (赤松子遊金華山以火自燒而化故山上有赤松祠澗自

山出故曰赤松澗

雙溪 (名勝志) 在城南一曰東港一曰南港東港源出東陽縣大盈山經義烏西行入縣境又匯慈谿白溪玉泉溪坦溪赤松溪經石碕巖下與南港會南港源出縉雲黃碧山經永康武義入縣境又合松溪梅溪水遠屏山西北行與東港會于城下故名

潛溪 (萬曆金華府志) 發源金華山南流十里入航慈溪

梅溪 (金華府志) 發源武義大家山東北流合南山之箬陽上下下及下坂之水入焉又八里為梅灘經赤山潭乃為鸕鷀灘金錢灘達于郡城與東港合是名雙溪壘石架屋為通濟橋以通閩廣諸道

長樂溪 (晏公類要) 郡國志云郡界有長樂溪葛洪游處

坦溪 (嘉靖金華縣志) 在縣東三十里發源金華山西南流入雙溪東派與玉泉赤松並稱三溪

通元溪 (金華府志) 發源赤松鄉玉壺山南流至潛岳東紫巖沙溪東南行環城後諸山蓋郡城之左峽水也其地有蔣波灘停為深潭乃造弘濟橋維舟于其上西北即抵郡治經八咏灘與南港會以通溫台諸郡

蘭谿縣

天福山 (在城中距縣半里居民環列山麓縣署正東旋轉南嚮此山擁護縣右故風氣完聚民物蕃盛甲于東浙

銅山 (蘭谿縣志) 在縣東十里接金華山之西山石似銅故名

洞巖山 (一名重洞) (名勝志) 在縣東二十里東北一峰怪石屹立人稱小飛來峰下有泉曰天池泉清鑑毫髮沿流而出為洞溪山口有天井山石高百餘丈下有

天井龍潭

金龍山 金鷄山 (嘉靖浙江通志) 俱在縣東二十里金龍山麓有金龍廟金鷄

山中峰拔起兩峰旁夾

紫巖山 (正德蘭谿縣志) 在縣東二十五里山上有巖狀如覆釜穹窿深廣可容百人其色紫黑故名

牛石山 (嘉靖浙江通志) 在縣東二十五里山多怪石遠望如牛

大寺山 (名勝志) 在城東南矗拔數十丈山巔及趾俱有佛刹 (正德蘭谿縣志) 延

袤五七里不一其名西南下臨大溪曰倉嶺東南曰芝巖山南為塢口山又東

南為費隴山：兩旁夾嶼中有遠道數里上通金華正統末括蒼盜起常于此

作木寨以禦寇焉

古城山 (正德蘭谿縣志) 在縣東南二十里山脊有城周二三里缺處如門

南住山 (一) 在縣南十五里其山自閩南迤邐千餘里而來至此截

然而住故名

九峰山 (太平寰宇記) 在縣南六十里下有唐中書侍郎徐安正讀書巖

蘭陰山 (萬曆金華府志) 在縣西南六里其山多蘭絕頂有橫山塔 (太平寰宇記)

一名橫山臨截三江

甘棠山 (蘭谿縣志) 在縣西南十二里鄉以此名

東柏山 (名勝志) 在縣西南二十五里東溪流于其下近西曰瑞山昔產瑞麥故

名又五里曰社山：上多嘉禾

龍門山 (蘭谿縣志) 在縣西南三十里狀若游龍上有蒼松六七里夾道如門故

名

佛山 (嘉靖浙江通志) 在縣西二十餘里上有洞深不可測山麓怪石踴躍如伏

虎龍

柱竿山 (萬曆金華府志) 在縣西二十五里相傳山下有井人飲其水多生勇士

因而塞之其旁高峰呼為將軍山

白石山 (名勝志) 在縣西四十里其石如玉又名玉華峰左四五里有大石高數

百丈飛泉直下溜石成濤又左四五里有石柱高百丈周十餘丈 (蘭谿縣志) 山

腰有洞陰不可登洞中雲起其日必雨

硯山 (名勝志) 在縣西四十里高數百丈盤亘二十餘里山頭平正有池如硯

仁山 (嘉靖浙江通志) 在縣西四十里舊有仁山書院為金履祥講學之所

風子山 (太平寰宇記) 在縣西六十里上有葛洪丹竈基址

烏石山 (正德蘭谿縣志) 在縣北八里 (名勝志) 與黃大山相連本一山以石色蒼

黃而異名又十里有水山：多流泉：有三源上曰鮑源中曰盛源下曰繆源

各深十餘丈近東曰金臺山夜每有光西曰秦龍巖高一丈深廣五六尺

豹山 (金華府志) 在縣北二十里山形似豹故名上有石平正如几可列尊壘

獅山 (舊浙江通志) 在縣北二十五里

香山 (名勝志) 在縣北三十里山產玉蘭無葉而花白有香故名下有香溪

東山 (正德蘭谿縣志) 在縣北三十里香溪之東

斛石山 (名勝志) 在縣北五十里名小桃源

玉壺山 (蘭谿縣志) 在縣北六十里洪武中長史滕浩歸隱是山踞玉壺山人

高眉山 茶山 椒塢山 (正德蘭谿縣志) 在縣東北二十五里羣峰環拱境最

幽勝茶山在高眉左偏椒塢山與高眉相接

密山 (蘭谿縣志) 在縣東北三十里平野中突起高數十丈上有觀音巖：中怪

石如笋巖上有佛迹又名佛迹山

白露山 (萬曆金華府志) 在縣東北三十餘里一名玉帶山 (地輿類稿) 其山頂

玉帶

屏風山 (名勝志) 在縣東北三十里山有小洞泉水噴出大旱不竭

白鶴山 (名勝志) 在縣西北二十五里傳為白鶴仙人煉丹處

五隴屏山 (正德蘭谿縣志) 在縣西北三十五里

白雁山 嵌山 桂峰山 (嘉靖浙江通志) 俱在縣西北四十里

三峰山 (萬曆金華府志) 在縣西北四十里峰之巔俗傳為葛稚川煉丹所丹丹

尚存下有巖廣三丈許其深莫測

玉泉山 (貝瓊玉泉隱居圖集) 距蘭谿五峰之北新巖青芙蓉危挿天半與金華

東西相望

盤山 (蘭谿縣志) 在縣西北五十里頂平如盤可一里許四圍皆黑石為巖

大家山 (唐書地理志) 蘭谿有大家山

陳嶺 (萬曆金華府志) 在縣西二十五里硯山之西石道迤：千有餘丈外接龍

游壽昌之界

馬嶺 (金華府志) 在縣北五十餘里當蘭谿建德之界

大慈巖 (蘭谿縣志) 在縣西北五十里與壽昌接境巖中有佛像巖左有觀音洞

高二十餘丈

小三洞 (吳師道小三洞記) 洞周數里峻拔百餘丈石骨嶙峋有小三洞皆與金

華洞通上洞名白雲下洞名湧雪中洞名紫霞

重源洞 (金華府志) 傍皆奇峰怪石其中一道如砥竄窈十餘里楊梅奈筍之利

出焉

蘭溪 (萬曆金華府志) 在縣西南二里一名激水其源有二一自衢城東北流至

于縣謂之衢港一自婺城西流至于縣謂之婺港二水合而滙于縣之西南類

羅穀文因羅穀水崖多蘭茝故名蘭溪

香溪 (蘭谿縣志) 在縣北戎昌鄉即蘭溪之下流

大梅溪 (萬曆金華府志) 一名龍門水在重泉鄉源出于浦江之大洪嶺會細泉

流至全家梁而入于大溪下五里為白雁灘十里為山河為望雲灘以界于建

德縣由是歷嚴灘桐廬富陽北入于錢塘江

白泉 (金華府志) 在香溪市南

東陽縣

孔山 (嘉靖浙江通志) 在縣東南二百餘步

青臺山 (名勝志) 在縣東二十里高三十丈周二十里以山色長青故名

覆舟山 (嘉靖浙江通志) 在縣東五十里高五十丈周八里狀如覆舟

鬼山 (東陽縣志) 在縣東五十里高百丈周十里端整若巨屏凡六面上有井三

十六

豹山 (金華府志) 在縣東五十四里遠望如豹故名

天竺山 (東陽縣志) 在縣東六十里高一百六十丈周二十里山多修竹

玉山 (萬曆金華府志) 在縣東一百五十里舊名封山界于天台

曼山 (名勝志) 在縣東南四十五里高七百丈周二十里山巔有池廣二丈深四

尺冬夏不涸倒有禹廟故山以夏名

石洞山 (舊浙江通志)在縣東南五十五里

歌山 (金華府志)在縣東南七十里上有石室可容百人山下水通臨海有玉女

祠 (唐書地理志)東陽有歌山 (名勝志)昔人乘舟見女子汲水山下登岸而歌姿

不通

瑞山 (東陽縣志)在縣東南九十里亦名鑿與山 (金華府志)界于永康

大盆山 (萬曆金華府志)在縣東南一百三十里周一百三十里形如覆盆故名

稍下為小盆山在永康地二山實諸山之祖

三邱山 (名勝志)在縣南八里高三百二十丈周二十餘里一名峴山 (韻語陽秋)

陽縣三里舊名三邱山宋殷仲文素有時望自謂必登台輔忽除東陽太守意

甚不樂常登此山慨然流涕即人愛之如襄陽之于叔子因名峴山二峰相峙

有東峴西峴唐寶曆中縣令于興宗結亭其下名曰涵碧劉

禹錫有詩云新聞潭洞疑仙府遠馬丹青到雍州即其所也

月山 (金華府志)在縣南六十里盤居于樅溪之北以形名

五文廣如之

八華山 (天啟東陽縣志)在縣西南四十里金華許白雲誦學于此

馬鞍山 (東陽縣志)在縣北一十二里高八十丈周六里與前勒馬峰正對故名

金山 (萬曆金華府志)在縣北五十里迤邐至畢嶺界于諸暨

赤石山 (名勝志)在縣東北十里一名孤絕山上有赤崖不生凡木

鶴昂山 (東陽縣志)在縣東北二十七里高二百丈周五十里巖有三石如鶴昂

肩竦立故名亦名鶴巖其上有風穴風從中出鈞然有聲

白鹿山 (金華府志)在縣東北六十里山形似鹿故名

西白山 (東陽縣志)在縣東北六十里周二十里高七百丈諸暨諸山皆在其下

東白山 (萬曆金華府志)在縣東北八十里周五十里嶽嶽危峭與會稽天台連

屬

稠巖山 (一)在縣西北二十五里山有石室深廣十餘丈巖巒叢互

故名

靈嶽山 (舊浙江通志) 在縣西北五十里

九州夫 (金華府志) 在縣東百餘里高諸山五百丈周二十里上有潭冬夏不涸以可望見九州故名

錢嶺 (天啓東陽縣志) 在縣東七十里輿地志云東陽畢嶺之下有錢嶺住人于此獲大錢

馬駿嶺 (萬曆金華府志) 在縣東二百四十里嶺勢險峻延袤三十里為發台之

咽吭 互見永康縣

南午嶺 (金華府志) 在縣南十里溫處台閣必由之道

烏竹嶺 (萬曆金華府志) 在縣東北四十里逶迤數折與鷲鷓嶺高嶺大小嶺相連為北境之閘隘

白峰嶺 (金華府志) 在縣東北七十里高三百丈石棧縈紆東通味縣

鮑令巖 (方輿勝覽) 在縣南五里涵碧亭之上元豐間知縣鮑拯率僚屬來修禊

事唐最唐崖書鮑令巖三字

烏舞巖 (金華府志) 在縣南七十里高五百丈上寬平可容千人唐馬將軍陳都使共置寨于此拒賊旁有羊巖金仙巖

白雲洞 (萬曆金華府志) 在縣西六里中有玉女盆瀑布珠壁石乳諸勝

練湖 (天啓東陽縣志) 去縣東六十里明月之宵遠望水如匹練故名

畫溪 (名勝志) 在縣西南三十里一名東陽江屏山帶連草木如畫故名迤西而南十里曰橫溪又折而南五里曰荆浦溪其源皆出大盆山西入義烏縣界與

東陽溪合

東陽溪 (嘉靖浙江通志) 在縣北三里源出大盆山東北入縣導義烏之水南會于画溪至耶城又東南合永康之溪

義烏縣

鷄鳴山 (名勝志) 在縣東五里昔有金鷄鳴其上屏鷄皆鳴故名山高五十丈前

瞰縣郭傍臨大溪俗以九日登高于此以名登高臺

石門山 (萬曆義烏縣志) 在縣東九里連山中斷兩山對峙如門
南山 (名勝志) 在縣東十五里蟠折紫紆廣袤數里上有平土可耕人多居之點
溪之水出焉

鐵巖山 (嘉靖浙江通志) 在縣東二十里俗名郭公山高峻峭拔山半有水簾下
垂數十丈山頂曠土幾百畝有三塢一潭

石棧山 (萬曆金華府志) 在縣東二十八里周十三里兩山相峙狀若浮圖東西
皆有巖深袤數丈東巖有岫西巖有石如闌干外稍西又有數穴(方輿勝輿)層
級高下如重樓複屋蓋絕勝之地也

武巖山 (義烏縣志) 在縣東三十五里高數百丈周十餘里狀如紗帽其下有八
景左滴水巖四時流注不絕

龍門山 (崇禎義烏縣志) 在縣東南二十五里自山口循澗水磬折而行過師姑
潭石井坑登接梯巖有平岡橫亘其上是為龍門旁皆干壤民多耕桑其間絕
頂兩峰對峙名雙玉峰俗呼雙尖南下蘭嶺俯瞰深谷澗水經其中西流入于

畫溪

畫塢山 (金華府志) 在縣東南二十五里画溪之水經焉其上中流為斗潭其下
對岸為石壁

齊山 (義烏縣志) 在縣南十里青巖山中高三十丈下有雙澗南曰前溪北曰梅
溪

雲黃山 (萬曆金華府志) 在縣南二十五里一名松山梁傳大士于此行道黃雲
盤旋其上狀如車蓋故名有峭壁高百丈下臨画溪五色交映

石牛山 (崇禎義烏縣志) 在縣南二十五里雲黃山北石狀如牛上有石牛祠
蜀山 (金華府志) 在縣南四十里下臨蜀壘塘相傳秦末有三山飛空而過一山

臨此蜀人來言蜀中所失之山故名山多重草上有壇曰仙壇洞曰陽春洞
葛仙山 (萬曆義烏縣志) 在縣南五十里高一百五十丈有煉丹石

八寶山 () 在縣南五十里妄傳有礦嘉靖三十七年間永康處州
礦徒數千人訑聚開坑知縣趙大河率近山居民平之

大寒山 (嘉靖浙江通志) 在縣南六十里山頂有池四時不竭春夏溢出為瀑布
來山 (名勝志) 在縣南七十里高二百五十丈屏山連來至此而止故名山側有
羊印石

香山 (義烏縣志) 在縣西二十五里其地多楓香木因名上有香壚峰前有龍井
遇旱禱之輒應又有夫人峰以梁樓偃妻莫此故名(隋書地理志)東陽郡烏傷
縣有香山

五雲山 (名勝志) 在縣西四十里唐天寶中有五色雲彌漫峰頂故名五雲溪之
源出焉

金山 (萬曆金華府志) 在縣西南四十五里屹立江流中

黃蘗山 (金華府志) 在縣北二十里一名黃蘗夫唐初置緇州于此山之下

洪堂山 (義烏縣志) 在縣北三十三里黃蘗山北麓馬踏石南檀夫楊公馬鞍諸

山環列于後右瞰廣輪網香諸巖在其前左顧四正雲黃四周如畫

馬鞍山 (崇禎義烏縣志) 在縣北二十五里高四十丈在馬踏石之東形如馬鞍

故名絕頂有手掌痕甚鉅五指宛然

清潭山 (嘉靖浙江通志) 在縣北四十五里山下有清潭酥溪之源出焉流出了

口與深溪合流入豐江山頂有鷹嘴巖旁有戟巖方臘寇時居民多避于此

墟址猶存

鷄栖山 (義烏縣志) 在縣北四十五里一名金峰山北有降魔峰西北有安貴嶺

龍祈山 (金華府志) 在縣北四十八里山之西有深溪西北流入浦江歲旱居民

祈禱故名

東山 (嘉靖浙江通志) 在縣西北二十五里崇巖峭壁竹木森蔚

黃山 (萬曆金華府志) 在縣西北四十五里下有新坑相傳黃巢入寇遣壯士鑿

石為之其上巖石如甃深數十丈中多伏翼山左有螺井根溪之水出焉

烏窠峰 (萬曆義烏縣志) 在縣東四十五里本名烏巖又一在縣南二十五里崇

巖秀異岡阜紆迴名曰盤谷

七佛峰 (崇禎義烏縣志) 在雲黃山上梁博大士行道七佛相隨于此故名

網巖 (萬曆金華府志) 在縣西北二十五里巖巒稠疊故名 (唐書地理志) 武德四年以縣置網州因網巖為名

上巖洞 (崇禎義烏縣志) 在縣西北二十五里網巖之北山腰有石巖深數丈廣如之或云晉丹陽令葛洪隱此

繡川湖 (名勝志) 在縣西一百五十步周九里三十步山川花木掩映如繡故名

東江 (萬曆金華府志) 源出東陽大盆山漢文所謂烏傷溪更名義烏溪皆因縣以名

深溪 (金華府志) 在縣北十五里源出龍祈山至浦江界合于浦江

演溪 (義烏縣志) 在縣北二十里北流至浦江新界並入諸暨豐江

吳溪 (萬曆義烏縣志) 在縣南三十里源出杏嶺至楓坑口西南過王村至丹溪而與娑塘之水合因名小娑溪又西北流而峴溪合之至黃蒲潭同入大溪

大士井 (崇禎義烏縣志) 在九江里之南泉甘色碧遇旱不竭相傳傳大士所穿飲之療疾今名善慧泉

孝子井 (金華府志) 在旁傷墓傍

永康縣

峴山 (名勝志) 在縣東二十里高一丈眾人排列狀如峴首

魁山 (萬曆永康縣志) 在縣東二十里

方巖山 (永康縣志) 在縣東二十里高二百丈周六里平起拔起四面如削惟南通一道至山腰而絕

石翁山 (金華府志) 在縣東四十里俗呼公婆巖 (太平御覽) 東陽記山有孤石望

如人生其傍又有石似新婦着花履為或名新婦巖

南山 青石山 (舊浙江通志) 俱縣東四十里

龍窟山 (萬曆金華府志) 在縣東五十里山陽有小空洞宋陳亮讀書于中其墓存焉

桃巖山 (金華府志) 在縣東五十里山石赤白相間狀類桃花下有洞可容千人

有朱文公召東萊請讀道

壽山 (萬曆永康縣志) 在縣東五十里山有五峰皆石壁平地拔起周圍如城郭有大石洞高敞軒豁可容千人其中為佛刹曰壽山寺前為重樓上為平臺周以闌楯皆即洞支木為之不施椽瓦而雨雪霜露自然莫及最為一方登覽之勝

橙尖山 (嘉靖浙江通志) 在縣東五十里高二百丈周二十里峰巒峭拔人所具瞻相近曰銅山嶺

石室山 (名勝志) 在縣東南三十里高百餘丈緣崖而上南北二穴相通可容數百人中有石柱

靈巖山 (永康縣志) 在縣東南四十里高四百丈周五里峭壁拔地其巖東西橫列紫色斑錯青蘚枯木嵌之蒼藤倒掛若畫屏然綠巖架石梁曲折而上有洞南北相通高丈餘廣五丈深二十丈形勝靈異故曰靈巖

方山 (萬曆金華府志) 在縣東南五十里山最高升其巔下瞰縉雲武義東陽義烏諸縣山川一目可了

斗潭山 (萬曆永康縣志) 距縣東南五十里上有三石潭水清泚可鑑毛髮

金勝山 (永康縣志) 在縣南五里高二十丈橫列縣治前若几案然 (太平寰宇記) 郡國志云昔有人于此拾得金勝因名山有趙炳祠炳善方術祠今無址

石城山 (太平寰宇記) 在縣南一十四里上有小石城云黃帝曾游此遠望山際四圍嶺岬如雉堞然

白雲山 (金華府志) 在縣南十五里直儒學前危峰數百丈端拱如廈時有白雲繚繞其上相近曰伏翼巖石穴多棲伏翼縣之望山也

絕塵山 (永康縣志) 在縣南三十里俗呼東溪山高五百丈周二里四面峭壁拔地石峰巖列一徑縈紆斜穿巖石間以達于頂有兩石對峙如門其中周圍如城有田六十畝地倍之有大井常汲不竭

廬山 (金華府志) 在縣南三十五里一曰金潭山高峰負嶺狀如覆釜山頂有潭禱雨多驗

大廚山 (永康縣志) 在縣南三十里高聳而方形如立厨故名

三石山 東山 (舊浙江通志) 俱縣南五十里

霞裏山 一名龍虎山 (嘉靖浙江通志) 在縣西三里盤旋環顧為縣治水口之鎮

石牛山 (一) 在縣北二十里山巔有石如牛

關牛山 (萬曆永康縣志) 距縣東北四十里山背兩石相觸狀如牛關其下為烏

傷侯趙炳祠

鳳山 (一) 距縣東北四十里一峰拔地聳起狀如偉人岸幘而坐俗

呼為夫山 (永康縣志) 旁拱兩隴如鳳之展翼故名

三峰山 (嘉靖浙江通志) 在縣東北四十五里南北兩峰皆高一百丈中峰高七

十丈蒙茸峭絕特異諸山縣治之祖山也

華金山 (永康縣志) 在縣東北五十里周二十里高百丈餘其上平曠中窩旁高

狀如仰釜左為血眉巖右為樓霞洞當華金山樓霞兩山夾處曰全城坑

密浦山 (萬曆永康縣志) 去縣東五十里華溪之水發源于此

雲霞山 巖 (懷歸稿) 全華之永康有小山曰雲霞拔起天半有巨舟藏壑中舟尾翹出

如畫

馬鬃嶺 (萬曆永康縣志) 距縣二百二十里蓋縣之極東鄙也踰嶺達于仙居縣

嘉靖三十三年倭寇犯台城縣于嶺上築砦屯兵以備焉 互見東陽縣

石霞嶺 (一) 距縣東一百三十里上有池曰日月潭廣畝餘澄深莫

測潭上石壁有赤白痕相間狀類日月份又呼百丈潭迎龍禱雨極為靈驗

八盤嶺 (萬曆全華府志) 在縣東八十五里其勢高峻石道路通天台縣

香嶺 (全華府志) 在縣東北五十里一曰豐嶺石路崎嶇通義烏縣

岡谷嶺 (永康縣志) 在縣南十八里大尉山之東上有地平坦泉水出焉正統十

四年括寇竊發里人結寨于上以禦之

石倉巖 (全華府志) 在縣東北四十里綠巖西上石竇玲瓏相傳洪雅禪師修真

之所巖頂有小石倉

華溪 (萬曆全華府志) 在縣治東源出密浦山流至縣合于南溪又西合大洞溪

入武義縣界下流至于郡城此即所謂永康港

南溪 (金華府志) 源出縉雲土母山折而東至縣治會于華溪

酥溪 (萬曆永康縣志) 源出二十都峽源坑歷長田曹園下溪紫柏為酥溪過橋合于華溪

李溪 (永康縣志) 源出四十四都峽上南流至碧湍西至石室山周其麓又西抵官山轉而北至水岢巖入于南溪

武義縣

白陽山 (萬曆金華府志) 在縣東七里上有異石色隨時變歲豐則黃歉則黑鄉人以此占候晉張彥卿為永康令栖于此 (元豐九域志) 昔陳留阮遂集之弟妻劉氏伶小女性好山水隱于此山

小姬山 (名勝志) 在縣東十里中有姬水溪舊經云晉金談為吳興太守辭疾隱此

竹巖山 (萬曆金華府志) 在縣東一十四里鎮山也

明招山 (金華府志) 在縣東一十五里宋東萊呂成公講學于此正德十三年縣

至林有年立碑以昭先賢遺蹟

誦堂山 (武義縣志) 在縣東二十里梁劉孝標讀書處

蠟笈山 (萬曆金華府志) 在縣東二十里晉阮孚之裔多居其下

蔣富山 (嘉靖武義縣志) 在縣東南三十五里周二十餘里山多產茶傳云昔有

蔣氏居此致富因名

金柱山 (武義縣志) 在縣南二十里上有懸瀑如簾

菊姬山 (金華府志) 在縣南三十里多生蘭菊旁有姬水溪故名

白華山 (名勝志) 在縣南四十里近山半里二石夾道若門歷此曲折險迢至山中一石突起若蓮座昔有支大士居之名大士庵

湖山 (嘉靖武義縣志) 在縣西二里山有潭水故名歲早鄉人視山為候凌晨有

雲氣是日必雨

書臺山 (嘉靖浙江通志) 在縣西三里相傳唐舒元與讀書于此

蝴蝶山 (武義縣志) 在縣西二十里王世名報父仇處過者咸指為孝子舊述云

大家山 新婦山 (名勝志) 在縣西二十里二山相向世傳晉時張秀卿女出遊
黑月姑婦並亡有神靈各主一山海大家山起雲新婦山即兩

銅釜山 (萬曆金華府志) 在縣西三十里形如覆釜正統十四年鄉民多避兵其
上時名銅釜寨

青龍山 (嘉靖武義縣志) 在縣北九里巖高五十丈周三里遠望如青龍上平曠
有小石洞登眺之勝境也

李公山 (金華府志) 在縣北一十五里周二里宋隱士李惠居此故名
八素山 (萬曆金華府志) 在縣北四十里周二十里東陽山水記云秦末有八士

從洛陽來遁栖于此皆青素冠後因名唐太和八年蕪春使將縣附之圖經而
姓名竟不傳也

燕山嶺 (嘉靖浙江通志) 在縣西南十里正統十四年高書石璞統兵過此勒截
處寇改名烏龍嶺

玲瓏巖 (嘉靖武義縣志) 在縣東四十五里石叢玲瓏相透若斷成者因名
劉巖 (萬曆金華府志) 在縣西五十五里昔劉氏栖隱之所因名石室深廣五十

丈曰仙都壇正統十四年避寇于此者萬計竟免于患
熟溪 (嘉靖浙江通志) 在縣西南源出處州遂昌界流入縣西又東南流與永康

溪合
大家溪 (金華府志) 在縣西二十里源出大家山流入金華界與駐石溪合

八素溪 (萬曆金華府志) 在縣北四十里源出八素山入金華界合入雙溪之南
港

九里潭 (武義縣志) 在縣東南九里風雨晦冥之夕鐘聲隱隱出潭中歲早祈禱
輒應

浦江縣
龍峰山 (崇禎浦江縣志) 在縣東二里高三十丈周二里其支隴自仙華山一帶

逶迤而來環于縣左其巔有塔曰龍德塔之後曰東峰之後復有山曰壽峰
三山相屬蓋縣治東之輔也

伏塘山 (浦江縣志) 在縣西一里高十餘丈同一里其支隴自杭口山逶迤縣右縣治西之鞠山也

湖山 (金華府志) 在縣東十里西山對立江水中流又名湖山峽

金芙蓉山 (嘉靖浙江通志) 在縣東二十五里一名香巖山白麟溪之源出焉

登高山 (萬曆金華府志) 在縣東二十五里相傳宋呂伯恭九日于此登高故名

元麓山 (金華府志) 在縣東二十六里下有飛泉宋漁與鄭元麓先生名宗數觀

之作飛泉採書諸崖石

東明山 (浦江縣志) 在縣東三十里大澤中隱然突起旁有水一泓曰靈淵東

百步有泉老梅橫亘其上曰梅花泉

青蘿山 (萬曆金華府志) 在縣東三十里

鷄冠山 (浦江縣志) 在縣東三十里至高天清明時可俯瞰二百里外蒼茫中見

一綫微白者蓋錢塘江也(名勝志)相連三十六岡重巒疊嶂前後相屬

石牛山 (名勝志) 在縣東南三十五里山側有池中有石牛水涸即見

康侯山 (崇禎浦江縣志) 在縣東南三十五里一名官巖唐僧祖登禱雨處高一

百餘丈周十五里山皆赤黑色其勢拔起羣峰間東西視之形各不同或如覆

盆或如人髻或如人側首而踰山半有穴若屋可容十餘人絕頂稍平有宋胡

侍郎廟傍小池夏冬不竭深三尺周二十五丈久雨不增大旱不減

黃豎山 (金華府志) 在縣東南五十里又十二里界于諸暨

周公山 (嘉靖浙江通志) 在縣南十里一名周公尖又名雷公山狀若巨人折而

西曰辛山曰保安山頂有巖下有罅深不可測相近曰五路嶺高一百餘

丈長五里自縣入郡城所經也

白石山 (在縣南十五里山有潭宋嘉定三年封重澤槁溪之

源出焉東流入浦陽江以其溪流常涸故名

烏蜀山 (名勝志) 在縣南三十里突然中起眾峰羅列梅溪之源出焉

浮裏山 (在縣西南五十里重峰複嶺峭拔千仞其下溪流清澈即浦陽

江源所出也

壺盤山 (萬曆金華府志) 在縣西南五十五里在金華北山之北高出眾山至蘭溪縣界

四金山 (浦陽縣志) 在縣西十五里類金木火土四星故名

葉壺山 (萬曆金華府志) 在縣北二里一名寶壺巖

仙華山 (名勝志) 在縣北八里一名仙姑山又名少女峰相傳軒轅少女于此上

昇故名高一百五十丈上有五峰東溪之源出焉中一峰與東峰尤極峻懸崖

百仞有穴深黑風從中出(崇禎浦江縣志) 再左一山名華柱山其間層嶂疊翠

峭崿嶙嶸巖千尺下臨幽絕隆冬積雪清冷徹人肌骨吳淵韻稱如芙蓉翠

蓮又如彩鳳騰霄一邑之勝際縣治之主山也

寶掌山 (萬曆金華府志) 在縣北八里與仙華山近唐寶掌大師栖處禪前有高

巖踞飛來峰浦陽山水惟此與仙華為最勝

茅廬山 (崇禎浦江縣志) 在縣北十五里高百丈廣三十餘丈橫亘八九里上有

峭壁疊嶂層巖諸山四面環拱若屏幃然浦之名山前數仙華恭天玉筍噴坑

玲瓏漫數茅廬拔地全城莊凝突兀並稱奇秀云

小孤山 (嘉靖浙江通志) 在縣北三十里峻巖險峻人不能升又北十里曰大孤

山峭削壁立上銳下直無可攀援而旁巒環伏映帶清溪流峙交翠蓋獨勝也

又有赤巖山在眾山間

響巖山 (崇禎浦江縣志) 在縣北五十里巖石推下有聲故名大狀與檀溪二水

流其下踰盤州金沙環折萬山間流入富陽江

九靈山 (萬曆金華府志) 在縣北五十里山有九峰元戴良居于是間

左溪山 (崇禎浦江縣志) 在縣東北二十五里山有唐僧元朗墓在亂石間前有

巨石高一丈相傳卯風太急移石鎮之因名卯風石

巖坑山 (在縣東北五十里山水分流東曰巖坑北曰湖溪水抵

富陽以達于浙江

江公山 (浦江縣志) 在縣東北六十里山形如鷄足高出羣峰之表登眺越中諸

山在指顧間

清遠山 (洞天福地記) 第十六福地在浦陽縣

箕蓋嶺 (嘉靖浙江通志) 一名斤竹嶺在縣東北九十五里下有斤竹澗界于富

陽

浦陽江 (萬曆金華府志) 一名浦陽河在縣南界謝惠連詩昨發浦陽河今宿浙

江湄韻譜云水之相入為河源出縣西深裏山東北流至諸暨縣又東北流入

臨浦灣以入于海按浦江本吳越三江之一春秋外傳所謂三江環之者是也

江水雖微而與吳松錢塘並稱者獨入海也

白麟溪 (浦江縣志) 在縣東二十五里其源出全芙蓉山麓東流入浦陽江

湖溪 (萬曆金華府志) 在縣北二十里源出巖坑山北流抵富陽縣界以達于大

江

月泉 (崇禎浦江縣志) 在縣西二里源出縣北仙華山之下其泉視月盈虛為消

長米政和三年知縣孫潮疏為曲池築亭以偕遊觀歲久湮塞嘉定十六年縣

尹趙崇萊治之成淳三年知縣王霖龍築塘以蓄泉東南三十步有大阜上有

亭曰高遠

孝感泉 (浦江縣志) 在縣東二十五里按圖經在白麟溪側宋鄭綺母張性嗜溪

水值旱鑿數仞不得泉綺乃慟哭三日不息水為湧出人以為孝感所致

寶掌冷泉 (柳貫詩注) 在寶掌山唐千歲和尚道場巖竇出泉極甘寒

湯溪縣

西霞山 (萬曆金華府志) 在縣東十五里斜塘遠于其畔

吳山 (金華府志) 在縣東南二十里山頂有小菴前澄潭碧水翠色濃陰為湯

邑名山之勝

屏風山 (湯溪縣志) 在縣東南四十里與香爐山相對

福民山 (名勝志) 在縣東南四十里高數百丈林木蕭鬱山頂有廟層樓疊閣遠

挹數百里又十里為香爐山狀若匡阜卓然雲表旁列眾峰環列競秀

青峰山 (湯溪縣志) 在縣南十里白石巖山相連高五百丈周五十餘里每天陰

霧罩則穴中氣騰人多怯行

九峰山 (名勝志) 在縣南十里高數百丈峰巒秀拔巖洞玲瓏唐徐安貞肄業于此石榻猶存(萬曆湯溪縣志)一名風子山先賢龍邱萇仙人鄴去奢俱家于山下

時和山 (舊浙江通志) 在縣南二十里(嘉靖浙江通志)又五里曰淨塘山又五里曰重泉山曰下甘泉山又南二十里曰眺望山曰上方山曰金魚山一名魚潭山又十里曰黃甲山曰迴龍山又南十里曰章甫山

仙舟山 (萬曆湯溪縣志) 在縣南三十里其山四面如一

天竺山 (嘉靖浙江通志) 在縣西南二十五里又五里曰綠雲山

青雲山 (一名玉葉山縣西七里又西一里曰古城山迤南二里

曰塔山

五龍山 (在縣北三里又北二里曰插鼓山野老相傳古勸農時

插鼓督耕之地也

梅家山 (湯溪縣志) 在縣北五里因梅科兄弟家焉故名

紫芝山 (在縣北五里有牧雲菴

一峰 (在縣南十里形如覆盂高不數丈奇松茂竹可供游玩

市聚嶺 (金華府志) 在縣東南七十里商旅會于此必眾而後行以達于遂昌縣

界

蘭潭 (萬曆湯溪縣志) 在縣西南十里其地出玉蘭無葉而香每歲清明時一發

苦竹源 (萬曆金華府志) 在縣西南二十里

激江 (名勝志) 在縣北二十里上接盈川下通蘭溪其水紫洄如激故名

大湖 (萬曆湯溪縣志) 在縣北十里計一百八十畝與小湖相接小湖計四十六

畝餘

白沙溪 (嘉靖浙江通志) 在縣東南三十里自遂昌界北流至金華入于永康溪

出白石

永湖 (湯溪縣志) 在縣北二十里寬八百餘畝其中張氏村落在焉湖環繞于旁僅四面有路可通所產菱藕鷄頭之屬及所蓄魚尾歲以數千計居民利之

琳湖 (一) 在縣北十五里水色蒼瑩如玉環遶數里

白龍溪 (一) 在邑東自宣平遂昌二縣之水會于石阡滿悍澎湃折而北

注蕩為巨浸娶衛閭一要津也

衢州府 西安縣 附郭

龜峰山 (一) 在治衢州府志府治在其背西北則綴崢嶸山

崢嶸山 (一) 今通廣門內小山鄭氏譜云孫吳遣將軍鄭平以千人

守崢嶸鎮即此(衢州府志)王象之曰昔有柴宏者屯兵于此後乃為崢嶸

開明泉 (一) 在治衢州府志在東隅開明坊

蓬萊泉 (一) 在東隅烏橋南

長街泉 (一) 在南隅狀元坊口

西安縣 城外 山川

爛柯山 (一) 爛柯山志舊名青霞第八洞天爛柯福地又名景華洞天在縣南二十

里高餘千尺周回十五里其址二百步穿空彌亘下得平處可數十步因名石

橋又名石室今石室在橋之右五里(太平寰宇記)一名空石山(元豐九域志)晉

想人王質見石橋下二童子碁質就橋下看之二童子指視質谷柯爛焉(宋經注)

陽記云信安縣有縣室故晉時有民王質伐木至石室中見童子四人彈琴而

歌質因留倚柯聽之童子以一棗核與質含之便不復飢俄頃童子曰其歸

承臂而去谷柯漙然爛盡既歸去家已數十年親情凋落無復向時比矣

鳳山 (一) 在芝溪源距縣北八十里高五里其上極平曠可治田園

葉蓬山 (一) 在治衢州府志距城五十里上有廬社二禪師道場

王貴山 (一) 與烏巨相近舊傳貴乃質弟于此登仙

九龍山 (一) 在靖安鄉去城二十里

響谷山 (一) 在縣南三十二里崖之半有石穴風嘯則鳴

塘基山 (一) 嘉靖浙江通志在縣東三十里

疊石山 (一) 在治衢州府志在縣南四十里有巖穴名仙遊洞

爵豆山 (一) 嘉靖浙江通志在縣南七十五里

鷄鳴山 (一) 衢州府志在城東北十五里定陽溪流其下上有埭曰鷄鳴埭

烏巨山 (方輿勝覽) 在縣東三十五里林木蒼蔚乃信安精藍第一山

鸞籠山 (名勝志) 在縣東五十里一名繡峰上有三鴟一池

紫微山 (弘治衢州府志) 在縣東五十里一名迷茨山中有懸崖泉滴不休

砣石山 () 在縣西二十里平地撐拔五峰環以溪石

翠微山 (崇禎衢州府志) 在仙巖秀峰之間高十餘里

巖山 (名勝志) 在城西十里四面壁立絕頂平曠略數十畝中有石井冬夏不竭

前霧山 (舊浙江通志) 在臨江鄉去郡城三十里

烏石山 (弘治衢州府志) 在湖山東距縣四十里巨石周匝若城之有石門中蓄

水田歲未嘗旱

泉嶺山 (舊浙江通志) 在縣東南一百里(元豐九域志)朱買臣云東越居保泉山

一人守險萬人不得上是也

項山 (名勝志) 在縣北四十里項羽廟在焉

金鷄山 (弘治衢州府志) 在縣北百里高可五里上有平坡昔有樵者于山得石

如鷄剖視之有金因名

鹿鳴山 (西安縣志) 在縣西三里尚巖秀澗修竹蒼松掩映禪刹為郡人遊宴眺

覽之所

銅山 (舊浙江通志) 在縣西北百里宋時山出銅鉛錫今出礦前徽處州人羣聚

取礦其後官兵蕩平今設兵防守

狀元峰 (弘治衢州府志) 在縣北四十里其山尖峻與南峰對

梧桐峰 (弘治衢州府志) 在縣北七十里與紫微峰相望踞南北高峰或謂南北

銀峰蓋南北銀場實二峰支麓故也

悲思嶺 (隋書地理志) 東陽郡信安縣有悲思嶺

余馬嶺 (弘治衢州府志) 西距城十七里唐余將牧馬處

銅錢嶺 (舊浙江通志) 去郡城三里而遠

國朝康熙十三年取逆之變官兵列營于此與賊對河而陣歷三年

王師雲集賊始大潰夜燒營壘而遁

仙巖 (弘治衢州府志) 在縣東二十里中空可坐數十人寺在其側

小重巖 (一) 在縣東二十五里橫山之右山本培塿下有蔭室如巖

質石若因而深之旁有偃王祠

九仙巖 (名勝志) 在縣東五十里狀如屏展唐侍郎徐安貞隱此亦名侍郎巖

道巖 (崇禎衢州府志) 俗名大巖縣東南三十里與九仙巖相望

朝陽洞 (弘治衢州府志) 去芝溪五里洞門總三尺其中石際水隴深不能測紹

興間邑令禱三洞取石龜創三洞龍王廟聞于朝賜額重澤今改字無存偶像

移于龍寺

白淪洞 (崇禎衢州府志) 在芝溪源去縣九十里口狹內寬入時先以足第二層

有龍潭深不可測日夜水滴凝成白鷲管石宛似塔形故名士人採石瘡疾疾

風清月白時聞仙樂聲

井湖 (西安縣志) 距縣東三十五里太平寺側長五里餘廣百丈

彭湖 (弘治衢州府志) 在縣東十五里俗傳有彭氏竈下忽茁兩筍斬之流血已

即大雨頃陷為湖廣數百丈表五里餘通石室水深不可測大旱不涸民常禱

此(西安縣志)今無此湖但溪中有灘絕陡人跡彭湖磯

東溪 (弘治衢州府志) 按隋志名定陽溪源出紫微山至石室下東北流合為信

安溪

西溪 (西安縣志) 距縣二里源出徽州祁門之百濟嶺由開化常山縣流至城下

又江山之水從仙霞嶺過峽口紅橋渡歷江山至雙溪口與開化常山溪合環

城西以過而柘溪烏溪石碇溪馬尾溪僅溪後溪之水皆匯焉為信安溪

穀溪 (方輿勝覽) 出西安合江山常山之水(輿地志)穀溪之水交錯如羅紋

縣

龍游縣

龍邱山 (龍游縣志) 在縣東四十里(後漢書)郡國志)東陽記太末龍邱山有九石

特秀林表色丹白遠望盡如蓮花龍邱菴隱居于此因以為名其峰際復有巖

穴外如窗牖中有石林 (太平寰宇記) 山生龍鬚草檉柏望之五采俗呼為新婦

巖南齊書曰太末徐伯珍宅南九里有青山班固謂之

九巖 (弘治衢州府志) 又名九峰山。際有石壁百餘丈。復有巖名三疊。唐徐安貞讀書其中。

東華山 (崇禎衢州府志) 在縣東二里。下有姑茂子墓。

岑山 (衢州府志) 在縣西南十五里。山有五峰如筆格。名筆架山。又名婺女照臺。

自金華望之。正當其面。故名。

鷄鳴山 (龍游縣志) 在縣南三里。宋嘉祐末邑人呂防誦學于此。有見鷄鳴叢棘。

中羅浮白金數十。鎰輸之官而已。不染後防三子皆貴。人以為祥。故名。

方山 (弘治衢州府志) 在縣東四十里。頂正平如古冠形。

徐山 (一) 在縣南四十里。今名靈山。有徐偃王廟 (龍游縣志) 山東。

一石卓立曰香爐峰。山下有溪曰靈山。港襟樹交映。雲垂烟接。

白石山 (名勝志) 在縣南四十里。山有圓石。徑二十餘丈。其色純白。唐初以白石。

名縣。

大乘山 (衢州府志) 在縣治北四十五里。山接西安縣界。高一千四百丈。有奇。

白鶴山 (萬曆龍游縣志) 去縣治四十里 (衢州府志) 即鄣去奢上昇處。

楊樹山 (一) 去縣治西南八十里 (龍游縣志) 疊嶂重巒。上戛斗斗登。

其巔望魚川。陸上有五粒小松數株。相傳楊盈川從華山移植。後人因以名山。

杜山 (龍游縣志) 在縣北四十五里。峭壁長林。疑無入路。

石壁山 (舊浙江通志) 在縣東三十里。

聖壇山 (崇禎衢州府志) 在縣南三十里。山勢聳拔。高五里。登其巔。可見數百里。

鳥道盤旋。名十八曲。

瑤山 (一) 在徐山下。溪中孤嶼峙立。四水交流。竹木掩映。舟行望山。

上瑤寺。人物宛如畫圖。

三疊山 (衢州府志) 在縣東三十里。一名三疊巖。上有石室如層。樓旁有石鼓。擊。

之淵。聲徹林杪。中有乳泉。甚清冽。

樓山 (龍游縣志) 在縣南五十里。隋書所載樓山。即此。土人呼為五鳳。

梅嶺 (一) 在縣北八十里。名勝志稱宋建都臨安時。此嶺最為要道。王微。

君日抄曰嘉隆時有女郎名賦雪者從征過此題一絕云太末山多竹似麻霧中鷄犬幾人家此行探得春稍息十里梅花送鹿車今嶺與壽昌接界

赤津嶺(一)在治南七十里嶺崖峻隘為邑中五嶺之一舊置有寨守此

則括蒼之魁不能北下所謂五嶺者在南為赤津上塘在西南為小連豪嶺在北為梅嶺是也

鷺鷥巖(弘治衢州府志)在縣西五里梁特有異鳥紫質五采羽族聚而隨之因以名下有潭深百尺多巨魚

白佛巖(一)在縣北四十里廣五丈四尺深四丈七尺巖中有佛堂

地峻人跡罕至

湖巖(舊浙江通志)在縣東十五里石巖橫截水面其下深巖窈然半入水中深不見底上築浮圖塔影松陰與水光上下相映

五百人湖(名勝志)在縣東北三十里按異苑昔有五百人入此取魚先祈湖神丙水連竭至暮夢神云竭湖當如禱若見異魚必毋殺或得銅缶亦勿廢連往

決水得魚狀絕異蓬萊之祭物猶在腹旋得缶以為金又共廢之已而水暴長五百人俱沒惟監督者免

穀溪(漢書地理志)會稽太末有穀水東北至錢塘入海互見西(弘治衢州府志)

出西安合江山常山之水經縣之西圍石潭匯于翠光巖下東流八十里入蘭溪界唐武德置穀州以此

圍石潭(弘治衢州府志)在縣西二十里有石出潭上先是石峙旁岸孔世文洙

南野史云圍石圓出狀元紹興十四年大水石因轉面視正圓明年劉文靖公章果冠天下

常山縣

塢山(衢州府志)在縣治左六十五步一名文筆峰知縣蘇玘建塢其上

挂榜山(常山縣志)在縣東五里山羅列如榜形故名

三衢山(名勝志)在縣北二十五里昔有洪水暴出其支派分為三道故名州名

亦取此(太平寰宇記)三衢山東陽記云山上有石周四三百步

常山一名湖山 (萬曆常山縣志) 在縣東三十里山頂有田百餘畝湖廣數畝中有巨

魚有石環繞如城故縣以此名按東陽記云常山仙人採藥處高且神

白馬山 (衢州府志) 在縣東四十里上有石如掌擊一盤水流不息

紫竹山 (常山縣志) 在縣北十五里萬山中一峰屹起羣峰環擁

容車山 (弘治衢州府志) 在縣北二十五里下有碧玉蓮花二洞山高三百丈迴

環九百丈初驚新者每五鼓過之如聞梵唄聲後十年山破湧出一石僧如跌

坐立祠祀之扁曰石僧院

石門山 (在縣北二十五里石徑僅容一人下臨大溪其巔有竅

每旦有雲出其中東馳則雨西馳則晴驗之頗應

巖谷山 (在縣北三十八里石壁高百餘丈山脇有洞流泉不絕

山下巖姓居焉故名

形弓山 (舊浙江通志) 在縣西二十里石勢龍蟠溪崎紫帶

硯山 (崇禎衢州府志) 在縣南二十里出紫石作硯

嵩明山 (衢州府志) 在縣南二十五里宋時旱禱有應因建廟于山麓

黃岡山 (萬曆常山縣志) 在縣北三十里

西高峰 (常山縣志) 在縣西昭慶寺後山尖秀聳為縣治龍脈

賢良峰 (弘治衢州府志) 在縣北一十五里秀聳如筆宋王介讀書其下應賢良

科第一因名

牙峰 (在縣北二十里山石嵯峨狀肖獬豸宋侍御江躋居其下

故名

木棉嶺 (衢州府志) 在縣南十里往江山之要路

石烟嶺 (在縣北十五里由禪山入巖口丁村之路

趙公巖 (萬曆常山縣志) 在縣東北二十五里捫蘿而登石洞可容百人趙清猷

公讀書其下因以名巖

桂巖 (常山縣志) 在縣北二十里麻山之麓上有桂樹百餘株不種自生過秋花

發風送清香數里

禹跡洞 (弘治衢州府志) 在縣南五里中出泉溉田二百餘頃洞前石刻乃唐刺史陸仁燦述元祐初郡守曹輔歲旱遣人汲泉于瓶有雲縈之少頃雨大至郡以有年

攝龍洞 (一) (在縣北二十五里了中山名勝志) 洞前石竇常禱雨則滲潤須臾滿溢或有異物如魚蝦之類與水注瓶而歸雲雨隨至及送還洞口則瓶已空若攝而去故名

寶蓋洞 (崇禎衢州府志) 在縣西五十里球川上正德間賊源盜起戍此洞中有石乳懸如鐘磬擊之有聲光彩閃爍若寶蓋然

白龍洞 (名勝志) 在縣西一里許草木蒙密昔有白龍乘大風雨凌虛而翔風休雨息視前蒙密處乃有二洞一當山腹偃躬而入莫窮其奧一在山趾澗溜潺湲有聲

白石鳩濠坑 (崇禎衢州府志) 在七都正德七年立寨戍守己卯宸濠作亂金華同知張齊寧渡通判王駕奉命守此

私溪 (弘治衢州府志) 在縣南十里其源出開化境東北流四十里與石碓溪會而為新聞溪 (雲林石譜衢州常山縣思溪又地名石洪或云碓字石出水底倒垂如鐘乳)

億溪 (舊衢州府志) 在縣西北五里其源出玉山縣界沿至縣北五里注于金川宋玉山令汪杞欲鑿龍以通常山水道以工用不贖而罷

金川 (常山縣志) 在縣北半里邑之水惟金川最大其源出開化按信安志云昔有仙人飲此而吐金故名

球川 (一) (在縣西五十里溪水清潔民多造紙)

石碓溪 (弘治衢州府志) 在縣南一里發源江山東流七十里與私溪合新聞溪 (常山縣志) 在縣南一里乃私溪石碓二溪所匯流出金川謂之三合水

江山縣
江郎山 (弘治衢州府志) 在縣南五十里按文思博要山有錦文三石峰俗傳有江姓兄弟三人登其巔化為石因名山又有金純須郎二名鄭緝之東陽記金純山有三峰悉數百尺色丹奪目不可仰視杜佑通典云須郎山發地如荀有

三峰

航埠山 (江山縣志) 在縣東一里其陽有鹿溪航渡故名

西山 (弘治衢州府志) 在縣西一里林木蒼蔚與縣治相映帶有泉曰清冷邑人多擇勝為亭榭

龍眠山 (江山縣志) 在縣北十里高五丈周迴七里俗名七里山蜿蜒屈盤故號龍眠

馬鞍山 (嘉靖浙江通志) 在縣西十五里 (江山縣志) 一在齊禮鄉

神仙山 (江山縣志) 在縣東三十里泓泉在巔為禱雨之所

景星山 (弘治衢州府志) 在縣南五里高四十五丈周回五里本名突星紹興中令楊雯易今名 (天啓江山縣志) 撰文思博要云山有三石峰後漢方士趙炳過

山下以鞭指之其石猶存

鶴鳴山 (江山縣志) 在縣南二十五里山巔有泉不涸

徐王山 (弘治衢州府志) 在縣南相傳偃王駐兵處

鷲籠山 (名勝志) 在縣東南四十里上有靈湫

騎石山 (江山縣志) 在縣西二里高四十五丈周回四里狀如人騎故名如縣余

一龍改名步教

漸山 (弘治衢州府志) 在縣東二十里俗號大靈山巍然秀出上有偃王廟旁發

泓泉三旱暵必禱

安定山 () 在縣東北二十里煙霏空翠巔頂相高

湖山 (天啓江山縣志) 在縣北二十五里上有石窟深黑有龍居焉旱禱立雨山
早有石城兩層城內有股田泉水四時不竭

洗仙山 (正德江山縣志) 在縣南四十里舊名泛青山昔有漁者見洞口有道人
手招之不往道人旋揭巨石塞其門

聖堂山 (江山縣志) 在縣南五十里頂有龍井旁有祠旱禱必應

觀星山 (弘治衢州府志) 在縣南百里許高一百八十丈為眾山之宗僧寶月結

菴于此前有巨石常飯虎

泉嶺山 (江山縣志) 在縣南一百三十里周回數百里 (通典) 漢朱買臣云東越王居保泉山即今信安郡北界也 互見西安縣

小江郎山 (一) 在清湖峭石懸潭與浮橋映帶條魚翁聚宛然濠濮之間浮蓋仙山 (弘治衢州府志) 在縣南百里外上有仙洞、石壇為禱所洞 新石

壁雙峙上通一罅徑畧容身可數十步始得曠處有仙人笑局泉竇冰消餘石萬：如屏如筍上有真紅桃花而不實

箬山 (舊浙江通志) 在縣南百里高出仙霞之上霽景可望衢城獨秀峰 (嘉靖浙江通志) 在縣東南五十里高四十五丈秀色為諸峰之最

仙霞嶺 (仙霞嶺志) 在縣南一百里高三百六十級凡二十八曲長二十里宋史浩帥閩過此始募人甃以石路

窰嶺 (衢州府志) 在仙霞北十五里茶嶺 (一) 在仙霞南三里

大竿嶺 (崇禎衢州府志) 在縣南一百十里北趨婺杭南通七閩西抵廣信遂為通途

小竿嶺 (一) 在縣南一百三十里高一百五十丈接福建浦城縣界

梨嶺 俗名五顯嶺 (衢州府志) 在仙霞南五十六里

楓嶺 (一) 小竿南五里為浙閩分界處

璩公嶺 (崇禎衢州府志) 在縣南六十里路達括蒼

紅旗嶺 (弘治衢州府志) 在縣西三十五里路通玉山縣

登真巖 (正德江山縣志) 在縣西北十五里舊名箭竹山巖妙容于此得仙唐別駕令狐恒易今名山高五千尺中有潭溢則旱淺則豐唐刺史投金龍以祈雨名為天泉

瀟巖 一名青巖 (江山縣志) 在彭村上下有二巖

白巖 (弘治衢州府志) 在縣東四十五里山背對下如重釵中有巖廣一丈深倍之衡表三百弓規如半月平曠可容十客瀑流從巖下如飛練

煙蘿洞 (名勝志) 在縣南五里景星山之西可容二十人怪石岬奇紺碧舊傳有

煙蘿子隱焉

左坑洞 (弘治衢州府志) 在縣北二十里巖洞六七所有石佛石乳石田至者如

聽龍吟虎嘯歲旱則祈求安定郡王趙令衿名其洞以顯應

青雲洞 (一) 在縣南二十五里中有龍居乾道間里人鑿石偶得其

穴蛻骨絕多

大嶺洞 (正德江山縣志) 在縣西二十里巖石如屋有石盤屈狀如龍下有石田

炬而後入杳不可窮

日連洞 (舊浙江通志) 在縣西二里明淨幽曠如覆石室瀑布聲響不絕舊傳阿

日捷連修行于此政和間拯得青提夫人碑乃日連母也

大溪 (衢州府志) 一名鹿溪亦曰鹿頭溪即古激水又名湏江漢志太末縣有激

水東北至錢塘入江元和志激水在湏江縣東南一里舊志源出仙霞諸嶺匯

流至清湖渡始通舟楫北迤城下又東北十八里而為大溪灘舊有浮橋一名

渡江頭為縣境之衝要又東北入西安縣為衢港

文溪 (弘治衢州府志) 在禮賢鎮之西發源有四一自石鼓山一自廣源一自廣

嶺未豐之後洋一自括蒼之半桃山至鎮匯為是溪

石魁潭 (江山縣志) 在縣北二十五里巨石峙立如魁故名

濟川潭 (正德江山縣志) 在縣東南六十里方而深外限橫石

雙溪泉 (弘治衢州府志) 在縣市東側有雙溪堂及竹溪為負邑佳處

湏女泉 一名梅泉 (天啓江山縣志) 在縣北三里發源西山之麓深不及丈甘冽宜

茗

瀑布泉 (江山縣志) 在仙居寺右高數十丈懸崖傾瀉狀如匹練

開化縣

鐘山 (名勝志) 在縣北里許一名覆釜山全溪流其下

塢山 (弘治衢州府志) 在縣南一里昔學舍遷改不常術者謂此山為文筆峰若

建學與并山對則文盛果驗

獨山 (開化縣志) 在縣南十里皇甫仙識之獨山員出狀元獨山漾出宰相

金錢山 (弘治開化縣志) 在縣東百步世傳金錢二道人煉丹于此

臥佛山 一名玉屏山 (在縣西七十步山形如卧佛狀故名)

笏山 (開化縣志) 在縣西五里山形如笏

瑞桃山 (弘治衢州府志) 在縣東北五里巖壁峻立上平廣山徑縈紆處種桃

花特望之如蒸霞狀

玉母山 (衢州府志) 在縣東十五里山高而銳山半有壘湫俗謂之天井

鳳凰山 (開化縣志) 在縣南一里如鳳展翅舊有置麻車其下而去者其西南一

帶又名麻車山

石耳山 (弘治衢州府志) 在縣西八十里周回三百里與婺源德興交界巖傍有

井及池四時不竭 (開化縣志) 石壁竇立嵌空如耳望彭蠡觀日出尤為奇觀蓋

南龍祖也

古田山 (名勝志) 在縣西百里外高十五里中有田可百畝田畔有龍湫侵晨有

雲一縷浮空而出所向輒雨

酒務山 (衢州府志) 在縣北坦夷盤秀縣治奠之今名華山

臺石山 (名勝志) 在縣北十里高三十餘丈山之東有臺石懸崖瞰溪嶙峋欲墮

天童八仙山 (弘治開化縣志) 在縣北四十里周回五里唐乾符間有仙人鄒去

詹于山中修煉感天童八仙降後得飛昇丹井猶存

鴉金嶺 (弘治衢州府志) 在縣東二十五里周回五里抵常山界山勢壁立靈

湫一泓在山之半

歙嶺 (在縣西北七十里其路由白沙抵德興界)

百際嶺 (衢州府志) 在縣北五十里與婺源縣接界

馬金嶺 (弘治衢州府志) 在縣北九十里休寧縣界

芹嶺 遊嶺 (弘治開化縣志) 在縣西南三十里高十五里相連並高

雲霧巖 (在縣北七十里廣七丈中有龍湫旱禱輒應)

烏白二巖 (名勝志) 在縣南十五里二巖對峙相去可二里

金溪 (弘治衢州府志) 在縣東五十步凡兩源一出馬金嶺下經九里巒環石柱

源一出際嶺下經高陽源俱連馬金合流曰馬金溪西南注四十里經鐘山下環縣治復東南流達華埠始容小舟入常山境而溪漸大

馬尾溪 (開化縣志) 在縣東十五里發源白馬山下合大駛二湖小駛西南三十五里至常山境注于金溪

磬口溪 (弘治衢州府志) 在縣西瀑泉所集成溪水聲如風雨

第一泉 (開化縣志) 在縣西山下冬涸夏冽甘美特異

義泉 (一) (在縣東北百步廣僅十丈深不盈仞泡湧如沸冬溫夏涼甘美

不涸汲者相望致稱





